


明朝典彙

漢書門		九				
		一	〇			
		〇	九			
六	一	〇				
四	三	四				
冊	架	函	號	類		

內閣文庫		九				
		〇				
		九				
〇	一	〇				
四	三	四				
冊	架	函	號	類		

內閣文庫		
番號	漢	9205
冊數	64	(60)
函號	294	39

六



國朝典彙卷一百七十六

都察院右僉都御史臣徐學聚 編輯

淺草文庫

兵部 四十

土官 夷官附

其都事林憲萬戶張思溫來獻鎮遠吉州軍民二府

川功水常寧等十縣龍泉瑞溪沿河等三十四州皆其

所守地也於是命改宣撫司為思南鎮西等處宣慰使

司以仁厚為宣慰使

司以仁厚為宣慰使

國朝典彙卷二百七十一
洪武元年七月廣西左江太平土官黃英衍右江田州土官岑伯顏等遣使齎印章詣軍門降

二年正月湖廣行省臣言慶遠府地接八番溪洞所轄南丹宜山等處宋元皆用其夷酋爲安撫使以統之天兵下廣西安撫使莫天讓首來欵附宜如宋元制錄用以統其民 上從之詔改慶遠府爲慶遠南丹軍民安撫司置安撫使同知副使經歷各一員以天護爲同知王毅爲副使

七月廣西右江田州府土官岑伯顏來安府岑漢忠思明府黃忽都太平府黃英衍向武州黃世鈇龍州趙帖堅等各遣使奉貢方物 詔以伯顏等各爲本府知府世鈇等各爲本州知州皆世襲

五年八月貴州宣慰使霽翠請討部落隴居 上以隴居反側不從命由於霽翠所激謂大都督府臣曰蠻夷多詐不足信也中國之兵豈外夷報怨之具耶宜遣使諭蠻中守將鎮守邊境霽翠所請不從將故邊釁宜預防之

六年十月江夏侯周德興奏田州府總管黃至威招撫鳳儀等州一百一十一處人民皆來欵附 上嘉至威招撫之功以安州侯州陽縣屬之

七年三月戶部奏播州宣慰司土地既入版圖卽同王民當收其貢賦請令自洪武四年始每歲納糧二百七十石著爲令兼其所有自實田賦並請徵之 上曰播州西南夷之地也自昔皆入版圖供貢賦但當以靜治之苟或擾之非其性矣朕君臨天下彼率先來歸所有田賦隨其所入不必復爲定額以徵其賦

九年八月思南宣慰使田仁智入覲貢馬及方物 上諭之曰汝在西南遠來朝貢其意甚勤朕以天下守土之臣皆朝廷命吏人民皆朝廷赤子汝歸善撫之使各得其所生則汝可以長享富貴矣夫禮莫大於敬上德莫盛於愛下能敬能愛人臣之道也仁智辭歸至江龍城驛病卒有司以聞 上命禮部遣官致祭勅有司送其柩於思南

十五年正月元曲靖宣慰司等官降 詳苗蠻

閏二月遣使詣雲南賜各土酋冠帶給以誥勅使任本州知州等官

八月平緬宣慰使思倫發遣使獻方物上故蒙古所授宣慰司印平緬在西南夷稍遠自雲南大理越金齒至其地所謂百夷者是也元時常屬於緬甸有城郭室屋其人皆樓居地產象馬官民皆髡髮如僧出入則乘象自

前代時未嘗通中國元始遣使招諭遂入貢是年大兵
既下雲南進取大理金齒平緬與金齒壤地相接思倫
發聞之懼故遣使朝貢

十六年十月誥授武定軍民府女知府商勝賜朝服及織
金羅衣紗帽金帶

十七年閏十月象州土吏覃仁用言其父景安故元時嘗
任本州巡檢有兵獍二百人今皆爲民請收集爲軍
上不許

十八年正月慶遠府東蘭州蠻寇韋富撓作亂富撓之先
自唐宋以來據東蘭西蘭二州儂智高反時竄匿山谷

迄故元富撓之父晏勇仍據東蘭至洪武十二年富撓
始遣其家人韋錢保詣闕上故元所授印貢方物錢保
匿富撓名以爲已物朝廷初不之知因以錢保爲東蘭
知州既而錢保徵歛暴急山民不服遂從富撓作亂及
官軍討之擒其黨韋公煥始言錢保冒襲之故於是執
錢保除官代之蠻民乃定

二十一年二月戶部奏貴州宣慰使靄翠金筑安撫使密
定所屬租稅累累逋負蠻人恃其頑險不服輸送請遣
使督之 上曰蠻夷僻遠其知畏朝廷納賦稅是能遵
聲教矣其逋負豈敢爲耶必其歲有水旱故不能及時

輪納耳所逋租悉行蠲免今宜定其常數務從寬減
二十三年六月思南宣慰司土官覃大勝作亂涼國公藍
玉移兵討擒之伏誅其黨謫戍開元

二十五年十月雲南土官月魯帖木兒叛糾合西番摩些
賈哈科等大肆抄掠命涼國公藍玉率越嶲侯俞通淵
將兵討之玉兵次栢典州遣百戶毛海以計誘致月魯
帖木兒并其子胖伯送至京師伏誅

二十八年二月 詔右軍都督府榜諭龍州土官趙宗壽
等諭曰 皇上以鄭國公常茂有罪特以父開平王之
功不忍遽真於法安置龍州其昆弟仍享爵祿撫存如

故惟龍州遠在西南自我朝平定天下土官趙貼堅稱
藩納款誠事朝廷貼堅已故其妻乃與常茂結爲婚姻
誘合諸酋肆爲不道及貼堅姪宗壽襲爲土官與貼堅
妻互相告訐又言茂已死 皇上以誠信待人且以茂
功臣之子得罪而死深可矜憫并釋其告訐之罪今有
人言茂實不死宗壽等知狀已遣散騎舍人諭宗壽捕
茂宗壽漫不加意延玩使者久不復命其意莫測 皇
上未卽問罪特命榜諭爾宗壽等知之如茂果存則送
至京師以贖爾罪如復違令則命大將軍率兵討捕罪
在不赦如茂果死則宗壽亦率親大小頭目至京具陳

其由凡龍州軍民人等悉皆知會

八月命左都督楊文討龍州土官趙宗壽

詳苗蠻

三十年二月勅禮部檄打煎爐長河西土酋長以時來朝貢毋取罪罰

永樂元年戶部尚書夏原吉言麓川平緬宣慰司思倫發原輸差發銀六千九百兩續又增辦一萬八千兩今思倫發卒前此有虧兌者皆已蠲之近西平侯沐晟言以後續認者難於爲額使一二年民食給足可令再輸上曰馭夷之道使知歸向朝廷不失臣節可矣豈資其利耶止以原額爲定增辦者悉除之

二年四月車里宣慰司使刁暹荅檀發衆侵威遠州地擒其州官事聞上命西平侯沐晟遣人諭之如其不悛調兵剪滅於是刁暹懼還所擄知州及威遠州之地遣弟刁臘等詣京貢馬及方物謝罪都察院請先下刁臘等於法司而後逮問刁暹荅以示懲戒上命已之思明府知府黃廣成奏先臣故地祿州西平州永平寨被安南侵擄乞天恩諭使歸還上納之麓川平緬宣慰司并木邦孟養二府俱遣人朝貢平緬所遣使者奏木邦孟養數侵其地禮部言宜以孟養木邦貢使付法司正其罪上曰蠻夷相攻奪自昔有之執

一二人罪之未足以革其俗且事曲直未明而遽罪其朝貢之使祇阻遠人向化之心可令西平侯遣人諭之十月製信符及金字紅牌頒給雲南木邦八百大甸麓川平緬甸車里老撾六宣慰司千崖大侯麻里茶山四長官司潞江安撫司及孟良孟定灣甸鎮康等府州土官三年七月刁暹荅遣頭目攬線思奏舉兵攻八百大甸宣慰使刁招散上令遣使諭其悔罪索其首惡乃孟朋等若執迷不悛合兵征之但服罪卽止兵勿進

四年二月勅諭八百大甸軍民宣慰使刁招散曰前以爾不恭朝命阻遏使臣遣使發兵索左右爲惡之人

且諭使者爾能伏罪止兵勿進兵初入境爾遣人悔過請罪使者遵命回軍雲南今念爾幼穉且念八百之人皆朕赤子已悉宥不問繼今宜改心易慮上順天道毋懷譎詐以蹈前愆庶幾保土安民永享太平之福

四月刁暹荅遣使貢馬復遣子刁典受學國子監初朝廷出師征八百元江軍民府遣人助給餽運抵車里之境悉爲其守者阻遏時刁暹荅縱征八百不預阻遏孳然懼爲元江所構故遣典假受學之名爲質冀朝廷不疑之上識其意諭禮部賜典衣服鈔幣令隨貢使同歸六月雲南西南夷人大古刺小古刺等部落皆來朝貢詔

置宣慰司二長官司五以統之

開七月雲南守臣言緬甸軍民宣慰使那羅塔擅加兵孟
養殺其宣慰使刀木且父子請發兵討之 上遣行人
張洪賚勅諭其改過還所侵地及擄掠之人

五年十月遣使諭老撾宣慰使刁線反曰爾受命爲守土
之長比年以來不脩朝貢安南黎賊父子逆天構禍神
人共怒爾乃與秀犛潛通助之兵象宜卽發兵問罪恐
傷及無辜特諭爾改過毋貽後悔

六年十二月孟良府土官知府刀交遣其弟貢象及金銀
器皿禮部言刀交嘗構兵攻劫隣境譎詐不誠宜却其

貢 上特受之賜之鈔幣

七年播州宣慰使楊昇言所轄當科篤雍等十一寨蠻人
梗化不服聚衆劫掠請發兵剿之 上勅昇撫諭如不
從令鎮遠侯顧成經畧之昇遣官宣諭遂皆歸化

九年五月董卜韓胡頭目南科遣人朝貢且言容隆蒙硯
門二招討興兵侵掠隣境阻遏道路請伐之 上不許
六月溪處甸長官司土官自思言本司歲納海肥七萬九
千八百索非本地所產每歲於臨安府買納乞准鈔銀
爲便戶部以武中定額難准折輸 上命除之

十年二月戶部言湖廣五寨長官司業濠等七洞人民歲

課硃砂近因酋賊殺擄累歲有虧命除之

十四年三月貴州普安安撫慈長謀占管長黃暹阿賽地方私置金鼓旗幟火器聚眾殺掠強取人民囉囉妻為妾不從遂殺其夫聞命布政孟驥勸視慈長復領兵萬餘圍驥驥以計擒之解京將誅之而死於獄初孟養宣慰司刁木且及長子思樂發為緬甸土官那羅哈所殺司遂廢孟養人從且之姪玉賓散居于崖金沙江諸處者三千餘人朝廷嘗命玉賓署宣慰使以撫之至是授刁木且次子刁得宣慰使改授玉賓為本司同知仍遣使諭那羅哈各守疆境毋再侵擾以取罪愆

洪熙元年八月兵部奏初思州思南土軍皆本處夷人聚則為兵散則為民前宣慰田琛田宗鼎各奏設千戶所今宣慰司巴韋罷土軍悉復為民獨思州思南二千戶所官尚存若仍存之則當聚兵使之率領不然亦請罷之 上曰撫治蠻夷當循舊俗若再聚兵非靖安之計宜改除之千戶合歸舊衛所其本土頭目仍屬各長官司後或用土兵令其率領

宣德二年九月緬甸以故宣慰使新加斯無繼嗣請以大頭目莽得刺治其地兵部請下雲南三司體審 上命即授為宣慰使不須再行體審

四年七月兵部奏保靖宣慰司同知副使僉事皆缺請命流官往治之。上曰蠻夷之性難馴流官不諳土俗治之猶難必其同類乃能相安其令都督蕭授就土人擇其素有恩信衆所推服者任用之。

五年雲南巡按杜琮言土官有罪請如流官例五品以上奏請六品以下卽提問。上以其奏示法司曰蠻夷不可以中國之治治之琮言過矣其循。祖宗成憲毋改。

七年十月八百大甸土官宣慰使刁招散遣人貢方物且奏云波勒常以土酋土雅之兵來寇殺人掠財乞發兵討之。上謂侍臣曰聞八百去雲南五千餘里荒服之地也波勒土酋土雅皆未嘗歸化豈能勞國之人爲遠夷役乎且夷性獷悍必兩有未善豈皆波勒之過宜降勅慰諭使敦睦隣好保境安民。

八年六月四川都司奏比以烏撒烏蒙二府土官知府祿昵尼祿等爭地仇殺蒙遣行人章聰侯璉奉勅往諭之皆悅服烏蒙耆老念其世親以所爭地十之三讓烏撒永息爭訟。上顧左右曰蠻夷能讓亦是天理未泯特患訓諭不至耳果能開誠布公何不可化。

正統二年正月廣西總兵山雲等奏泗城州土知州岑豹攻奪利州知州岑顏地方并掠其妻子財物撫諭不服。

乞剿之 上勅雲遣人諭其輸款如不悛即加勦滅

三年七月大學士楊士奇請旌褒景東知府陶瓚言景東之勝蓋出陶瓚及祖母阿襄率領頭目効勞所致乞給

賜誥命及賜以對品之帶各一庶感戴尤切而圖報之誠益堅其本邦宜慰使罕蓋法與祖母美罕板忠義報

國之誠亦與陶瓚阿襄同一體頒給從之

十月雲南麓川宣慰思任發叛

詳雲南蠻

四年九月岷州衛土都指揮后能奏土官例無俸給臣父祖舊有田地房屋水磨今悉為人占據乞令選臣以代

俸祿允之

五年十二月思恩州獲異僧陞為府以知州岑瑛為知府

九年八月鎮撫雲南侍郎楊寧奏頭目恭項嘗効力隨征請署隴川宜撫司使用旌其義從之

十一年五月思南府蠻夷長官司奏土官衙門自古以來男婦婚姻皆從土俗乞頒恩命 上曰貴州土官衙門

或有循襲舊俗因親結婚者既累經赦宥置之不問亦不許人因事訐告繼今悉令依朝廷禮法如違不宥

景泰三年二月廣西都指揮使黃玠上疏請易儲

詳東宮

天順三年五月田州知府岑紹老傳嫡子鏞頭目呂趙挾其庶子鑑拒紹逐鏞時官府暫令鏞寄住省城令鑑襲

其職趙於是縱兵攻鎮安奉議南丹向武等府州上隆
恩城上林並受其害擅爲鐵鈎弔掛之刑與販私鹽僞
稱名號私通交趾復殺鑑旣而鑑子玠亦故趙遂以幼
孫呂嬰冒玠名襲職都御史葉盛會兵討之執趙伏誅
四年二月靈州千戶所土官俱夷人其先洪武間歸附不
支糧但人給田百畝免納稅令其自置鞍馬騎操歲仍
給冬衣布三尺綿花斤半後漸有功歷陞千百戶布花
停給俸糧仍不支田禾亦薄收屢訴貧困乞賜衿恤
上曰遠人當優待彼爲軍時尚給賜布花今有功陞官
反不支俸豈理乎其如例給之

罕弄母子累歲相讐殺雲南守臣奏乞調兵討之朝議
以爲不便宜遣都御史程宗往諭乃卽其家賜以璽書
而行奉勅旨諭之折其辯說及見曩罕弄復責其擅相
攻擊之罪皆頓首服乃具奏始設孟密安撫司以材寨
歸木邦不相統攝西南遂無事朝廷嘉之加宗一級
二十二年九月刑部侍郎何喬新等以播州宣慰使楊愛
爲其兄宣撫楊友訐奏奉命往勘因奏播州古夜郎牂
牁之地自唐乾符間太原楊原端據之至今子孫承襲
今友因家財不均奏其弟愛奢侈淫暴妖言等事命臣
等往勘宜提二人面對虛實卽省發聽候免其監禁爲

便從之既而訊鞫知友欲奪愛宜慰肆爲誣罔具以上
請且慮其兄弟相讐殺遷友他郡邊境以安

四川巡撫劉璋奉旨革罷友宜撫并其家屬發保寧府安
置璋以爲安寧道路阻遠城堡堅固友之弟敏及其所
親附天家仲家土兵素號驍勇而其親屬又有爲之謀
主者萬一負固不服連結黨與以叛不免爲地方之害
乃閱其所奏詔旨先遣友所親信者二人詣安寧慰諭
友家屬又遣能幹土官數人各領土兵分截安寧所出
入之路又榜示天家仲家諭以逆順禍福又揭通衢懸
重賞以購爲楊友主謀者區畫既定乃宣示詔旨遣官
詣安寧收其家屬印信發遣之

弘治五年五月象馬思揲執木邦宣慰司罕乞法囚禁四
十年未有以處之巡按雲南御史張泰會議撥各處漢
土官兵臨其境以檄諭之思揲感悔遂送罕乞法復其
故業械其首禍者三十餘人請罪累年積患一朝頓釋
十四年先是知州黃智永生子長英次敬又次錄英
先智永故英子鈞當襲敬子塗欲立其子理賂思明府
申理當襲藩司駁其妄將罪之理遂糾遷峒王愷兵攻
州奪印官司擒理下太平府獄暮夜越出乃受愷兵破
執鈞子瀟澐支解之兩廣總督劉大夏以兵捕理伏誅

初左州土官絕改流官治之土人黃金挈家僑居上思州
後歸賂吏目趙倫申金係官族當復土職至是又賂吏
目汪文䟽之俱不報會督府徵兵於州金願克頭目率
兵以從既而違期府遣州吏目黃文通促之不發乃火
其營金忿遂率所領兵還攻州治焚文通家殺其子武
盡掠州民貲畜屯聚自保總督劉大夏捕金下獄誅之
十六年五月貴州女苗米魯普安土知州妻也
知州死魯主州事殺其庶子欲自襲夫職鎮巡官不許
且欲正其罪魯遂反囚鎮守內臣戕殺文武不官兵

粵甚熾事聞命南京戶部尚書王軾統湖廣

廣西

雲貴諸路漢土官軍共十餘萬討平之斬首五千餘級

九月初田州知府岑溥長子曰獠次子曰猛獠以失愛弑
溥爲其土目黃驥李蠻所誅而驥蠻尋自有隙驥以猛
奔梧州督府奏猛襲溥官納之田州慮李蠻拒命乃檄
思恩知府岑濬以兵衛猛李蠻不納驥復以猛奔思恩
都御史鄧廷瓚檄濬歸猛濬不從乃以兵徵之濬始釋
猛督府納之田州猛因與濬構隙十一年濬入田州殺
李蠻十五年濬陷田州猛走免濬僞以族子洪守田州
是年兩廣都御史潘蕃䟽濬罪詔發湖兵一萬討之濬
敗死族誅改流官知府岑猛降福建平海千戶

十七年十月思明土官自黃瑛歷子震孫紹至文昌作亂
凡四世兩廣總督潘蕃調副總兵歐磐率兵剿平之

正德二年十一月岑猛既降千戶田州改流官始以夷民
編戶諸酋多不便因相構亂猛亦夤緣奏辯劉瑾力主
之總督陳金因奏使立功免遷從之命爲田州府同知
九年九月先是貴州巡撫沈林等奏垂西苗賊阿雜等之
叛由宣慰宋然激之今然既罷職復使其子姓承襲恐
夷民不安宜將貴竹平伐等七長官司并洪邊十二馬
頭地方金筑安撫二司總設爲府洪邊貴竹各設縣皆
以流官撫理然姪儲及長官宋齊改授軍職兵部請下
鎮巡詳議至是巡撫陳天祥等復奏各長官司夷民不
願開設府縣况貴竹二司舊隸水西宣慰安萬鍾金筑
等司舊隸程蕃龍里府衛初非然所部儲及齊宜各襲
授原職 上曰夷俗有不可盡以常法治者儲齊准仍
襲原職令與萬鍾等俱用心管束夷民毋得科害激變
再有違犯者撫按官劾奏罪之

十五年二月龍州知府趙源無嗣以姪相襲田州岑猛因
黨其妹所立假子韋璋者賂京還驛使詐傳詔旨起兵
遂與璋襲破龍州遂知府趙相

嘉靖元年三月復設臨安府臨州流官知州州舊有土官

國朝典彙卷二百七十一
知州職專巡捕事則流官知州掌之正德初土官祿俸
陰賄逆瑾罷革流官遂交通彌勒州十八寨強賊爲害
捕得誅亾其子祿世爵復以罪論死撫按因請罷襲土
官仍設流官吏部議覆從之
田州府總管黃志威招撫奉義等州一百十七處人民皆
來款附

五年四月都御史姚鏌督師討岑猛猛旣改同知田州攝
府事撫輯遺民兵威日振會江西盜起都御史陳金檄
猛從征盜平金䟽猛功遷指揮同知猛冀復祖官不得
觖望驕蹇漸不用命凌轢旁郡日甚而前得猛賂者至
是無所得多譖猛不法都御史盛應期信之欲脅得重
賄舍猛猛復出不遜語應期怒䟽猛反狀請討之未報
應期去鏌代應期不之察也復請討從之鏌乃遣都指
揮沈希儀等五將軍帥師八萬人以叅議胡克元監軍
進討猛聞大軍至歛兵令毋戰裂帛陳冤狀鏌不聽督
兵益急乃陳兵自固鏌下令諸旁近土官能擒猛者予
千金爵一級畀其土之半黨猛者移兵誅之又以歸順
州知州岑璋猛婦翁也恐璋黨猛乃召沈希儀問計希
儀知璋以女失愛故憾猛察其部下千戶趙臣者雅善
璋乃召臣問之臣曰假以遣臣徵鎮安兵圖璋臣迂道

泄之要領可得也乃遣臣往臣過璋所璋喜果強臣畱
傳舍遣人馳詣希儀所告願擒猛自効希儀佯追臣返
以其事白鎮鎮喜乃不備璋督兵顯逼猛猛子邦彥守
工堯隘璋遣千人助守欲爲間馳報希儀曰已遣千人
爲內應衣別有識幸勿加戮及戰歸順兵先呼敗田州
兵驚潰希儀斬邦彥猛窘欲出奔璋使人招之曰願君
走歸順可達安南再圖興復猛倉卒佩印走歸順璋涕
泣迎猛館別墅辟田州人無得至左右璋日詭曰天兵
退矣猛喜不疑監軍胡堯元與諸將見希儀已破隘欲
攘其功頗聞猛走匿璋所遂以兵萬人擣歸順璋亟遣
人持牛酒犒師境上而自來見諸將頓首謝曰猛敗昨
越歸順欲走交南璋邀擊之猛目被流矢走不知所之
急之恐入交南連逆賊爲變幸緩五日當撓致堯元等
許之璋歸復詭猛曰天兵已退非陳奏事不白爲君草
封事令人上之如何猛曰固所願也乃爲疏令猛出印
印之璋得知猛寘印所乃置酒賀猛樂作持鴆酒獻曰
天兵索君急不能庇請自爲計猛大怒罵曰悔墮此老
奸計也遂飲鴆死璋斬其首并所佩印馳詣軍門上之
鎮撤兵還太監鄭潤總兵官朱麒各上言大軍破田州
猛中毒矢死斬其首搜獲印信其子邦彥敗死田州平

請設流官治之下兵部覆奏從之

初田州人懼流官法不便洵洵思亂有土酋盧蘇者求得
猛子邦相挾之以叛復糾思恩土酋王受煽惑遺衆旬
日間嘯聚數萬人拘執職官兩江大震

姚鏌上言剿平岑猛時保靖宜慰彭九霄永順土舍彭宗
漢各効忠勇擒斬元兇宜加勞賞彭虎臣奮勇先登歿
於王事宜加贈卹兵部覆議從之擢贈有差

六年盧蘇王受既反有自江右來者言岑猛實不死糾安
南莫氏入寇陷思恩矣藩省且募當不保於是靖江諸
宗室倉惶出奔人情惶懼藩臬諸司素銜鏌者又倡言

猛實未死鏌爲歸順所給御史石金遂劾鏌等兵部覆
奏必得重臣前去總制督同議處 上大怒乃落鏌職

命新建伯王守仁以兵部尚書總制兩廣及江西湖廣
軍務督同鏌等斟酌事勢將各夷叛亂未形者可撫則
撫反形已露者當剿則剿一應主客官軍從宜調遣主
副將官及三司等官悉聽節制公同計議而行

吏部侍郎方獻夫言思恩田州乞專以屬之王守仁而罷
鎮守太監鄭潤總兵朱麟 上以言關係地方大計卽
令鄭潤回京命兵部舉代麟者以聞

七年二月王守仁將至調集湖兵數萬南下諸土夷皆憚

之守仁乃自韜晦示以無事及抵南寧見盧蘇王受兵勢已熾度不可遽滅乃使人招蘇受降約日投見會有造浮言誑蘇受欲取其賄者蘇受疑懼不即來守仁遣其心腹反覆諭之蘇受頗信已而聞太監總兵等官皆相繼召還又見調集防守之兵解散撤去始遣頭目黃富等十餘人赴軍門訴告守仁復陳朝廷威德開誠諭之仍給以檄文使諭蘇受等蘇受得檄言來見必陳兵衛又欲軍門左右祗候皆易田人守仁不得已許之蘇受乃期日來見盛兵自衛守仁數其罪許以不死論杖一百以全軍法蘇受不釋甲受杖守仁諭蘇受使歸候

命乃上言罷兵行撫之善又言田州外悍交趾縱使克平置以流官兵弱財匱恐生他變岑氏世有功伐治田州非岑氏不可請降田州府為州官猛子那相為判官以盧蘇王受為土巡檢別立思恩府設流官知府統之因薦布政林富為巡撫都指揮張佑為總兵鎮守廣西上皆從之乃令那相歸治田州盧蘇等各蒞任許休之三月徵其兵用田州以平


十三年九月田州土酋盧蘇弒其主岑那相那相為田州判官年纔十五六副總兵張佑以兒子蓄之盧蘇專制那相遂與盧蘇有隙佑任滿將來代意那相餞驢必騰

比行邦相治具供帳僅值二百金佑大怒下撻邦相遂與蘇比搜得岑邦彥之子曰芝甫髻鬣佑育之別室邦相時時欲購殺之會佑不果代畱鎮得免已督府以西山之役檄佑從征佑遂置芝衣篋以行邦相覺追捕不及佑以芝奔梧州都御史陶諧亦兒子蓄之時時召飲食蘇遣其黨黃對刺邦相弗克邦相遂與土目羅玉戴慶謀伐蘇蘇覺之誘殺玉慶劫諸土目偕攻邦相弑之焚其屍行賂陶諧言邦相病死無後芝當叙立諧遂縱芝歸田州寢其事不問於是岑猛仲子邦佐爭立而鎮安府土舍岑真寶泗城洲土舍岑施東蘭州土舍韋起

雲那地州土舍羅廷鳳等咸憤蘇以僕弑主也合兵討邦佐攻田州入之蘇走免歸順州土舍岑瓛蘇壻也蘇急求救於瓛瓛遂乘虛擣鎮安真寶聞之引兵去蘇迫躡擊之真寶大敗精兵死者八千人兩江大駭諧乃遣人諭真寶等曰邦相實病死何與盧蘇而爾等自相魚肉何也會諧以憂去都御史潘旦蔡經相繼代之咸不欲反諧前議將以邦相病死聞副使蕭晚叅議陳大珊當勘議曰盧蘇稱亂弑主戕民罪惡通天安可蓋也今日之事第當直叙以聞乞令立功自贖不及征討足矣督府不聽遂言邦相不孝奪其母贍田虐部下盧蘇因

衆怨而殺之朝議果置不問
 十二月貴州宣慰使安萬銓遣使貢馬時萬銓母死請守
 制終喪如文臣比禮科以無故事請下守臣勘處詔可
 十五年五月凱口土官王仲武與都勻部苗阿向爭田構
 殺向逐仲武據凱口圍爲亂詔巡撫陳克宅相機撫剿
 宅一鼓克之事聞上嘉其功陞賞有差已而宅調應
 天方代去向復構亂先是向據凱口山陡絕數十丈負
 險厚糗以抗我師我師乘夜以計襲破之方克圍宅遽
 下令曰非與賊格鬪而擅殺及黎明縱殺者功不錄於
 是將士少懈向得間道遁去廷議以逸向削宅官聽勘
 宅行向受撫王仲武均其田而亂隨息

二十一年先是思恩軍民府既改流官分設九巡檢司用
 土目分理之興隆司土巡檢潘良者貪淫殘虐爲衆所
 怨恨土民劉憲盧迴等因誘衆作亂聲稱欲盡除九司
 官提督兩廣蔡經會總兵安遠侯柳珣議遣副總兵張
 經叅政翁萬達等督田州各土兵剿之副使陳茂義撫
 輯其衆三千餘人至是且三年九司悉平巡按御史何
 瓚勘上功次詔經珣賜勅獎勵仍各賞銀幣有差
 二十五年雲南兩廣四川等處土官有十餘年不得襲者
 皆相率赴京奏乞吏部奏言此皆撫按官避嫌遠怨不



與結勘所致耳請立嚴限促之 上令速勘以聞

二十七年湖廣巡按賈大亨奏擬以葶子坪各寨苗夷分屬保靖宣慰彭蓋臣約束以後各苗或有不靖卽勘係何寨分將該管土官坐罪易置黜削之且今蓋臣應朝亦復起債苗夷擅兵讐殺更乞天語嚴諭切責如其畏威息兵防夷著效請薄罪罰而姑宥之仍習亂干紀擾苗起釁卽當治以重典部覆大亨言是蓋臣等悉遵所分苗寨用心管攝其朝等讐殺事情下撫臣勘處具奏詔向武州土官男黃仲金那地州土官男羅廷鳳泗洲州土官男岑施就本處襲替免赴京師嘗聽調有勞也

三十九年十一月沅江府土舍那鑑作亂殺土知府那憲奪其印綬嘯聚千人流劫郡縣撫按官胡奎林應箕總兵沐朝弼上其狀命兵部議剿之

三十年總兵沐朝弼巡撫石簡督調武定北勝亦佐等土漢兵分爲五哨以左布政徐樾督餉兵旣集朝弼簡進駐臨安府分部進兵破木龍寨招降甘莊賊勢漸盛那鑑乃遣經歷張維詣南羨哨監督僉事王養浩所乞降時樾以督餉歷諸哨至南羨適與維遇乃與維約翼日令鑑面縛出城樾親來受降養浩等咸謂夷詐不可信樾不聽如期率百餘人以徃至沅江南門外鑑不出樾

方貴問間鑑縱象馬夷兵突出城衝之樾及左右悉死
所領卒僅一二脫者巡按御史趙炳然以聞并參朝弼
簡及養浩等俱失事當罪謂樾雖敗謀心實為國當卹
部覆得旨逆賊戕害守臣失事官本宜重治姑念用人
之際朝弼降勅切責令克期擒斬首惡逆黨那鑑張維
等簡褫職閑住養浩等各住俸戴罪剿賊樾卹錄如例

三十一年八月酉陽宣慰使冉玄助叛苗劫思州

詳員州苗

三十三年十一月詔更賜總督湖廣川貴侍郎馮岳勅令
其節制容美十四司初容美土官田世爵與把隘土官
向元楫累世相讐元楫幼世爵佯名解讐遣女嫁之因

誣元楫以奸云恐激變請令自捕元楫下獄遂盡符向
氏沒入其產撫按知其謀責與元楫對狀世爵不出設
衆自備與羅峒叛舍黃忠等通事聞下督府馮岳等議
言世爵橫有司不能治久繫元楫甚為不平宜令出獄
假督臣節制容美之權問世爵抗違之罪部議從之

三十四年初播州宣慰使楊烈仇殺長官王敬勳當李保
等兵相攻剽掠民夷為害總督馮岳督總兵石邦憲討
平之岳具以聞且陳播州善後事宜一建立哨堡以扼
險阻欲於四川餘慶之走馬坪播州之三渡關貴州石
阡之龍泉司各立哨堡一座於重慶偏橋等衛委指揮

三員督兵防守一更置設將以便統馭欲移調銅仁參將於石阡移思石守備於龍泉控扼播州犬牙相制一添設流官以肅政紀言撥州土民苦所司拮据請增設重慶府通判一員駐劄龍泉撫順該州民夷督理糧稅一責成該道以時巡歷謂夔兵備川東守巡宜更番時按播州彈壓邊鎮兵部議覆上嘉岳功詔廕一子

三十九年十月雲南巡撫游居敬初請剿東州阿堂奉旨令會川貴撫按勘明具奏居敬不候會勘卽調土漢兵五萬餘費以數萬計進兵剿之雲南承平久一旦兵暴動賦歛百出諸軍衛有司及土官土舍等乘之爲姦利

遠通騷動巡按御史王大任言於朝曰逆黨奪印謀官於法當誅第彼猶借朝廷之印以約土夷耳錄氏之宗以圖世職而四川之差稅辦納以時雲貴之鄰壤未見侵越此其非叛明矣其與安九鼎治兵相攻彼此俱屬有罪居敬乃信其一方之辭而敢違三省會勘之明旨且外議籍籍皆謂居敬入九鼎重賄欲爲雪怨請亟罷居敬暫停征剿趣三省諸臣亟勘上撫剿所宜詔吏部會都察院叅看言居敬輕率當奪職爲民重上謂雲南非他處比特命逮繫至京訊問戍邊

四十一年先是播州容山長官司副長官土舍韓甸與正

長官土舍張問治兵相攻旬敗問兵奪其印遂糾衆橫
行湖廣境中官司不能制至是總兵石邦憲始大破平
之擒旬并其妻捷聞論功詔復聽調總督董威任候用
進邦憲右都督旬等各梟斬

初播州土司原屬四川其地多在貴州之境嘉靖初改屬
貴州思石兵備已而夷情以爲不便二省守臣異議詔
下總督羅崇奎議仍以播州隸四川分屬川東守巡重
募兵備三道而思石兵備照舊兼制播酋平邑等土司
四十二年三月初武定土知府鳳詔死無嗣母瞿氏襲瞿
氏老舉詔妻鳳索林自代既而悔之比索林襲官遂失

事姑禮瞿氏大恚乃收異姓兒繼祖入鳳氏宗圖挾其
甥婿水西土舍安國亨建昌土舍鳳氏力欲廢索林以
繼祖嗣職不克則具疏自稱爲索林囚禁令繼祖詣闕
告之卽詐稱受朝命襲職逼奪府印索林抱印奔會城
時撫按官使人諭解之歸索林武定令視事如故而復
聽畱繼祖瞿氏所由是姑婦嫌隙日深索林將誅繼祖
謀洩繼祖遂大發兵圍府劫和曲祿勸等各州縣格傷
調至上官王一心等兵索林復抱印奔省於是巡撫曹
汴令收索林印逮其左右鄭崧繫獄令瞿氏暫理府事
而貸繼祖責其自新巡按孫用獨疏請亟議剿滅與汴

疏並入部覆武定乃鎮城肘腋撫剿之計當令守臣悉心議處仍移檄申誠安國亨等不得陰行黨助從之

四十三年初繼祖既逐索林據州治會都御史敦宗慶代任乃集土漢兵擊之殺其弟繼渙衆潰繼祖乃逃避江外鎮巡議留土兵二千名令都指揮王世科守備金堂將之守武定是時武定民爲繼祖積威所劫日夜數驚索林竟不敢居府治避處富民家繼祖乘虛復入武定於是鎮巡議復大徵土漢兵繼祖聞之懼請獻銀千五百兩願分普渡河外四莊贖罪永奉約束鎮巡許之巡按雲南御史王諍遂以聞且疏世科等及副使殷正茂等功請賞其罪令支俸如故部覆議許之

隆慶元年雲南巡撫呂光洵奏土官祿紹先段一機安素儀那怒高忠刺世麒刺崑等會討鳳繼祖功請先加賞賚四川巡撫譚綸奏土官鳳氏班師抵□爲警家所刺宜加優恤上命給鳳氏棺歛銀三十兩紹先等各賞五兩紵絲一表裏兩省功罪下御史覈實以聞

湖廣金崗安撫司土舍覃璧作亂拒傷官軍巡撫劉懋巡按雷稽古請治失事諸臣罪兵部言本術孤懸境外事起倉卒宜從寬賞以責後功上然之卽令懋嚴督所司相機撫剿以安地方前事姑勿問

貴州宣慰司土舍安國亨仇殺其祖故宣慰使安萬銓之子信逐信母疏窮及其兄智於安順州別居智母子因告國亨謀反前巡撫趙錦檄畢節兵備楊應東治之未決會巡撫王諍至有言應東受國亨賄陰持兩端者諍遂疏請罷應東聽勅而發兵誅國亨詔從之智喜爲總兵安大朝畫進剿策且約以兵糧數萬爲內應諍意愈決於是大集漢土兵萬餘人屬大朝統之仍奏畱大朝毋應調四川二月七日誓師至陸廣河智兵糧無一助者諍懼仍令人撫諭國亨而密止大朝毋輕進兵會大朝已渡河至水西國亨使其守隘日他阿等得費等以詐三千人請降大朝信之遂深入賊巢我兵絕食二十九日賊合圍外攻三千人內應我兵敗死者過半是役也大朝子榮在行率所部苗兵鹵掠師無紀律故輕進而敗於是諍上疏自劾巡按蔡廷臣請治失事諸臣罪因併劾諍給事中溫純亦以爲言得旨令大朝革職戴罪殺賊諍回籍聽調而下榮等御史按問

安國亨與安信相攻事久不決撫臣阮文中請發兵餉刻期進剿待其聽撫更請寬宥兵部請遣官勘實相機剿撫詔以給事中賈三近往旣行而撫臣言國亨且聽撫可不煩兵而定乃令三近還京

二年先是叛酋鳳繼祖與尋甸土舍鄭竣爭襲叅政盧岐
疑使使諭解不聽反執殺竣而發兵圍武定府城不克
還襲通判胡文顯周良卿等兵於雞街子陸塊山僉事
張澤死之知府周賚等率兵迎擊於法江渡亦敗滄瀾
兵備副使楊守魯等乃大集土漢兵與賊遇於會姜里
連破之賊潰走至青鷄羅山墜崖谷死者不可勝計官
軍追及之因止壁淄筒河縱反闖入賊中購以重賞於
是賊黨失色遂斬繼祖首詣軍門降事聞 上命賞雲
南巡撫呂光洵四川巡撫譚綸總兵沐朝弼等銀幣陞
楊守魯一級餘賞罰有差是役也計擒斬千五百餘人

破山東直勒等洞三十一處焚賊舍三十餘間招撫四
百六十餘種而土官助戰効勞者祿紹先而下十餘部
惟易門縣土官縣丞王一心陰與繼祖合約為內應會
事露為百戶韓世賢弟生員世任所擒與繼祖捷音先
後列上 上仍命加賞光洵朝弼銀幣世任送監讀書
安國亨降守臣以聞 上命賞巡撫阮文中僉事沈聞叅
議曹司賢知府李璞等八人銀幣有差初安大朝兵旣
敗國亨懼誅勒兵自守而遣使哀辭乞降朝廷未之許
也會文中受代乃移檄各道名捕諸反者而密使人謂
國亨曰今大兵且至能盡出所匿奸徒束身請罪割地

以處安智母子賠還所費兵糧則朝廷當待爾以不死
命爾子及智子各代領父任而安氏世世無患矣於是
國亨聽命執獻其黨阿第吳瓊等以降上果赦不誅
而官其子民及智子國貞具如文中等言斬阿第等於
市且戒兩族今後勿復相攻自取誅滅

先是廣西逃獍者念竄投安莊集聚衆爲亂勢寢猖獗父
子僭稱王流毒貴州安順等處巡撫阮文中乘劉顯祖
兵至決策進剿生擒百二十七人斬首四百餘級賊平
文中奏捷乞錄諸有司功給事中梁問孟請追治前此
撫按玩寇殃民之罪兵部覆議文中及顯祖並宜陞錄

餘有功者俟御史勘上前此撫按宜令部院查覈以聞
上乃命文中顯祖陞級仍各賞銀幣

按土官初隸吏部驗封司洪武三十年比掌土兵者改
隸兵部其襲替關武選司大抵與驗封不異洪武中土
官無子弟其壻與妻皆得襲永樂中襲替人文出十年
者亦聽然皆萬里赴闕或獻馬方物請命最謹天順八
年上兩宮徽號詔許土官繳呈勘奏卽與寇裳於是
介使未將威福自恣雖托羈縻之名竟開驕悍之漸成
化十五年又有納穀備賑之令則經制日卑規取愈陋
孝宗末年發憤釐革至正德旋復墮廢嘉靖九年始曲

爲條約稍復。祖宗之舊。今攷府州縣正貳幕屬巡檢
驛傳凡三百六十。隸驗封。宜慰。宜撫。招討。安撫。長官。凡
一百三十二。隸武選。隸驗封者。皆領於布政司。武選所
隸。或領於都司。文武相維。機權攸寓。細大相關。掌股易
運。數年來。鎮撫巡部諸臣。建白日煩。紛更已甚矣。

雲南本徼外地。國初元孽竊據。戊申開基。尚阻聲教。王
禕秉義捐軀。傅友德沐氏父子兄弟威戡。惠戡。梅思祖
張統繼膺藩屏。平徭均賦。疆土稍開。顧其人慄悍不得
已。因俗爲政官。其酋領稍示安輯。元江永寧鎮沉孟良
景東最强。獷鎮南蒙化順寧霑益差小。然皆向背靡常。
調劑爲難。諸甸約攝。騰衝諸羅。窺竊尋靖。蓋自麓川虛
耗中土。孟養曲徇。奸夷正統迄今益復。反復况投寇非
人。利法好貨。湖南滇北將有梗隔之憂。至求馬湖建昌
川陸達道計亦晚矣。

貴州本西南夷。羅施鬼國。國初霽翠朱欽歸附。仍其世
官。山峭地瘠。夷情猾詐。分隸川湖雲南永樂。癸巳始立
三司。當時顧成易節。以文武大吏威懷。有方時稱馴順。
然壤地聯絡。衝胸掣肘。自泗城北窺永寧。芒部南擾畢
節。西播外突。普凱內潰。交讒構亂。喜禍佳兵。每一梗阻。
滇南中斷。乃知分割三隸疆域。相牽不可謂非策也。

湖廣土官皆據湖南古巫黔中地中錯辰常外聯川貴
溪峒陰深難擾易亂彭氏富強雄脅諸司自宋迄今構
結茲廣驕橫益堅國家稍有征誅輒議調發所過殘破
慘於劇盜官司莫敢誰何嘉靖中王守仁討岑氏時湖
臬僉事汪濬統馭嚴飭所過戢斂以故順靖之禍不獨
湘楚永寶之憂豈直苗夷也

廣西當嶺南右偏土瘠民獷視東道特異諸夷窟穴盤
繞其間左黔右鬱荔蒲東西殘破不可言大藤峽深險
尤甚成化中誅鋤極慘近復跨江倚山出沒剽奪田寧
梧藤諸孱卒竟不能扼制桂林之北六峒爲孽則北連
武崗柳慶之西八寨尚存則通懷遠府江上下半爲夷
巢寇竊無虛日右江岑氏猛賊雖誅餘孽尚存正盧再
叛思田更强姚鎮剿則躡兵守仁撫則納侮恐數年之
間復煩經畧爾

四川山包劔棧水鎖瞿峽襟帶擁束是爲天險惟烏蠻
阻其東南蔓繞西抵番俗欲其馴順是在調擾龍州爲
松番咽喉每遮我餉道烏蒙烏撒芒部諸府雖仰我鼻
息而內黨日堅數啟隙亂唇齒之勢彼得挾而擾我叙
瀘之間宜有機權携其醜類若乃柵門遠引諸番播州
旁通四省所謂與蜀盛衰者也

論曰明興平定四海凡夷獠蠻犴犴之地西起巴蜀牂
牁東抵湘楚包絡湖嶺東折而南南盡海上又東跨百
粵三江大者兼據連城細者保持深箐雖稍奉約束要
在羈縻而已然兵力稍健乍叛乍歸苟功率過濫拊懷
失策雄圖自縮狡窟益深况地廣官高擅利習兵生齒
益繁財貨益廣詐以謀成罪以功解種憂釀禍蔑玩中
土未可謂無虞也嗟乎夏典要荒周官蕃鎮大抵因民
順俗橫海伏波逾湟絕嶺輿地漸開化理終塞乃知天
德無私王道有量闡國陋於綏人曲防窘於曠度苟醜
類自獲飽煖中華不患荼毒吾又何求焉惟夫吏好蓄

積政多解弛或遠嫌自潔或求勝喜功於是侵警日聞
師徒數起網漏網頽夷夏並困茲欲收總長策用圖久
安必畫正疆理則隣放靡爭預陳嫡孽則宗庶自定世
及之際以時覈聞錢穀之輸一切報罷而又飭武事於
節帥脩文德於廟堂猶亂之憂斯其鮮矣

按土官陞府部大臣者洪武中宣慰使鄭彥文陞工部
左侍郎永樂中交州知府阮均爲刑部左侍郎建昌知
府周彥翊濱州府同知黎思凱爲刑部右侍郎景泰時
守禦潯陽都指揮同知黃瑛爲左府都督同知
女土官建昌知府師克武定知府商勝東川知府勝古

烏撒知府實卜皆洪武中主官代其父與夫者也後不可勝紀

〔註〕主官劉自階大司昔與左中宣懇與曠奇文型工器
前相制文益付廟堂辭周之憂謀其難矣
又之烈以却翼聞楚蹙之舖一四辨罪而又給左車伏
安必畫五豎野明制姑華年所刺敵準限宗親自安世
胡卦樓強際敵際既夷夏並因茲塔外與英以國八
蘇如多輪版返鼓鞭自紫如未組喜也付長受誓日間

〔附夷官〕

洪武二年十月以降人方國珍為廣東行省左丞李思齊為江西行省右丞俱不之官食祿於京師

三年九月詔以故元降將江文清為千戶楊思祖為衛鎮撫因遣還招其部曲

永樂六年 上謂兵部曰朕卽位以來東北諸胡來朝者多願畱居京師以南土炎熱特命於開原置快活自在二城居之俾部落自相統屬各安生聚近聞多有思鄉土及欲省親戚去者爾卽以朕意榜示之有欲去者令明言鎮守官勿阻之

八年三月陝西涼州衛及永昌衛韃官千戶虎保亦合真巴等叛殺虜人口 皇太子監國命都督費璫為總兵刑部尚書劉觀參贊軍務討之

四月虎保等屯番城東相距百五十里費璫進軍勦之賊來搏戰且詐言欲降既而引退復相遇於雙城璫以兵擊其左陳懷等擊其右賊大敗走所傷殺甚衆斬首三百餘級追奔至黑魚海獲賊屬千餘馬駝牛羊十二萬有奇虎保等亦合真巴等遠遁璫等遂還

五月肅州寄居回回哈刺馬牙等叛殺守禦都指揮劉秉謙等據城指揮盧本密約出哨千戶朱迪等內外合攻復其城赤斤千戶塔力泥及沙州衛指揮各率衆獲散潰卒盡殲之事聞 皇太子賜綵幣綿布有差

九月古路慶之地女直頭目不理哈等來朝乞於東寧居任從之授千百戶之職賜予如例

十一月韃官脫罕等十人率男女百六十口來朝奏願居京師錫予如例

十二月遣指揮哈刺那海等宥涼州韃官虎保亦合真巴等罪率妻子萬二千餘口來歸悉令復業

九年七月諭兵部選韃官閑居老成謙厚者教民畜牧十年洮州衛所鎮撫陳恭上言侍衛防禁宜嚴外夷異類

國朝典彙卷二百六十一
再朝當授何官且有功者又何以賞之不許
再朝當授何官且有功者又何以賞之不許
其人果賢則信任之不賢雖至親亦不可用漢武帝用
金日磾唐太宗用阿史那社爾蓋知其人之賢也若玄
宗寵任安祿山致播遷之禍正是不能知人宋徽宗自
是寵任小人以致夷狄之禍不因用夷狄之人也春秋
之法夷而入於中國則中國之朕爲天下主覆載之內
但有賢才用之不棄近世胡元分別彼此柄用蒙古韃
靼而外漢八南人以至滅亡豈非明鑒禮部尚書呂震
請加恭嬖言罪 上曰恭之心本是忠朝廷但未深思
耳豈可罪之朕嘗語卿等言事之人或有乖謬亦當容
之若加之罪則言路塞而人君無由得聞善道矣爾爲
大臣乃有此言亦非忠也

二十二年九月忽石門衛指揮沙籠加率乞陞頭目亦失
哈等爲指揮不許賜鈔幣遣還

洪熙元年嘉河衛指揮阿必察遣頭目咬納等來朝奏乞
授咬納等本衛指揮 上謂侍臣曰一來朝遂授指揮
再朝當授何官且有功者又何以賞之不許

閏七月兵部奏在京居住韃官千戶也先不花言初歸附

時其子也先帖古里爲哈密忠義所拘今隨哈密使臣
來朝乞給與侍養 上曰父子至親豈夷虜異情哉應
給與之但今自哈密來留之不遣彼將謂拘其使臣非
待遠人之道令歸白忠義王遣之再來

宣德末給事中年富條陳時政內一款言國家可憂戎狄
爲甚自永樂以來招納醜類厯以官爵雜處京都坐費
國用養亂召危必由於此乞勅大臣歷考明驗參酌歲
規皆遣還故土以慰彼思釋我內患

正統初達官軍校人等居畿甸者多占民田掠民財御史
成規以爲言 上詔錦衣衛兵馬司分捕之犯死者於
犯所梟首徙流者發邊衛克軍仍罪其頭目若地方被
劫奪而官校縱容者重治以罪

吏部主事李賢言切見京師達人不下萬餘較之畿民三
分之一其月支俸米較之在朝官員亦三分之一而實
支之數或全或半又倍蓰矣且以米俸言之在京指揮
使正三品該俸三十五石實支一石而達官則實支十
七石五斗是贍京官十七員半矣邊軍常居苦寒之地
其所以保妻子禦饑寒者月糧而已今若此達官歲省
數十萬之費可以全生民之命可以贍邊軍之給可以
足京官之俸利莫大焉臣又惟夷狄人面獸心貪而奸

利乍臣乍叛恍惚無常前世五胡之亂可不鑒哉乞勅
兵部將達官漸次調除天下各都司衛所彼勢既分必
能各安其生不惟省國家萬萬無益之費而又消其未
萌之患不報

八月撥賜河間府等處及德州田土安插外夷歸附官員
指揮等官一百五十畝千戶衛鎮撫一百二十畝百戶
所鎮撫一百畝

二年四月鎮守陝西都督鄭銘等奏西安左等衛安插番
達官軍欲以調除爲名移入河南偏僻地方南陽汝寧
等處分任 上諭銘等曰朕以此徒狼子野心非可以

仁義誘化亦非可以法度制馭若輕遷動必然生疑爾
等再議可否仍密切察聽如果各安生業恒令管束官
員關防撫恤其或有強梁生事決不可容者具奏以聞
十四年侍講劉定之疏言時政內一款言降胡非我族類
其心必異故昨者或衝被關塞奔歸故土或乘伺機便
寇掠畿甸今宜乘大兵聚集之際遷徙其衆遠居南土
禁其種落不許自相婚媾變其衣服不許仍遵胡俗爲
兵者使與中國之兵部伍相雜以牽制之爲民者使與
中國之民里甲相錯以染化之况又省全俸之給減漕
輓之勞臣嘗於 上皇時言之今者之禍可鑑矣

先是永樂間韃虜來降者多安置於河間東昌等處生養蕃息驕悍不馴方也先入寇之際皆將乘機騷動幾至變亂景泰元年發兵征湖貴及廣東西諸處寇盜兵部尚書于謙奏遣其名號者厚與賞犒隨軍征進事平遂奏留於彼於是數十年積患一旦潛消

天順二年六月先是兵部尚書陳汝言阿順權宦將往時送去雲南兩廣湖貴等處韃官盡數取回物論沸騰以為不便大學士李賢言於上曰韃人非我族類自古為中國患前已送之遠方今復取來甚是不便聞此類在彼住定亦不願來上曰吾亦悔之初取時聽其不願最善若後願去者仍從之

時達官陳守忠丁順白忠等以附曹吉祥冒迎駕功陞都督等官後從曹欽犯闕籍誅

成化初南京御史鄭安言門庭之內非豺狼所宜伏近曹欽用達軍謀叛其明驗也願將畿甸降虜設法處置遠徙邊郡或分置外衛配隸軍伍之中治以中國之法其原管頭目亦調隔別衛外不得群聚一處坐生其心疏下部覆謂朝廷往因言者有達官不必動之詔事遂寢十九年鎮守大同太監汪直等馳奏有自虜中逸歸者傳報北虜小王子欲糾率部落大舉復讎恐眾不敵乞將

直舊所統達官頭目都督盧深等一千一百人兼程赴
援下兵部議尚書張鵬等謂時方盛暑師難久戍計大
同各邊土馬數及四萬使內外守臣戮力齊心兵亦足
用直所請姑勿許宜勅大同宣府等處守將合兵禦虜
仍令永平山海遼東各邊嚴謹隄防詔可

國朝典彙卷一百七十七

漢

都察院右僉都御史臣徐學聚 編輯

太子太保工部尚書臣曹 玘 訂正

男與參 重訂

兵部 四十一

川湖雲貴苗蠻

洪武三年湖廣慈利土酋覃屋構諸洞蠻為亂命湖廣行
省平章楊璟討之勅璟但擊之遠去不必窮其巢穴更
宜約束麾下慎無逐利輕動

五月楊璟督師攻覃屋賊深入溪洞璟不悟屋詐降使部

下黃永謙往報為屋所執拒不下璟請軍餉欲困之

上切責璟命叅政戴德以兵從璟力攻之賊遁去旋師

十月覃廬復為亂命江夏侯周德興為征南將軍率兵討

之仍命潭州常德等衛官軍悉聽調遣

十二月長沙洞苗作亂周德興討平之

四年四月中山侯湯和率師克歸州李逢春烽火山寨分

遣南雄侯趙庸宣寧侯曹良臣帥兵取桑植容美洞及

會周德興合攻茅崗覃廬寨平之

八年三月雲南土酋阿奴聰襲劫石門關吉安侯陸仲亨

率指揮李榮討平之

十年十一月四川威茂土酋董貼里入寇命平羌將軍丁

玉率師討之董貼里來降詔置茂州千戶所守之

十一年正月丁玉遣李玉討松藩蠻平之詔置松州衛

十一月總兵官辰州衛指揮楊仲名討破五開叛蠻奏捷

十四年五月五溪蠻作亂出師討之江夏侯周德興請行

時德興年老上未許德興請益力且示矍鑠狀上

壯而遣之及師至五溪蠻悉遁去

四川水盡源通塔平散毛諸洞蠻皆作亂命江夏侯周德

興為征南將軍安慶侯仇成為副將軍討平之

九月命潁川侯傅友德永昌侯藍玉西平侯沐英帥師征

雲南 上諭在廷文武諸臣曰雲南自昔爲西南夷至漢置吏臣屬中國今元之遺孽把匝刺瓦爾密等自恃險遠鴛鴦梗化遣使招諭輒爲所害負罪隱隱在所必討羣臣合辭以贊 上於是御承天門命友德爲征南將軍玉英副之統率將士征之諭之曰雲南僻在遐荒行師之際當知其山川形勢以規進取朕嘗覽輿圖咨詢於衆得其阨塞取之之計當自永寧先遣驍將別率一軍以向烏撒大軍繼自辰沅以入普定分據要害迺進兵曲靖雲南之喉襟彼必併力於此以拒我師審察形勢出奇制勝正在於此卽下曲靖三將軍以一人提勁兵趨烏撒應永寧之師大軍直擣雲南彼此牽制彼疲於奔命殲之必矣雲南旣克宜分兵徑趨大理先聲已振勢將瓦解其餘部落可遣人招諭不必苦煩兵也傳友德等師至曲靖擊敗梁王將達里麻兵於白石江遣內臣齎勅諭烏蒙烏撒諸酋長來朝入貢傳友德率藍玉沐英引兵攻普定普安俱下之梁王把匝刺瓦爾密聞王師下普定遣司徒平章達里麻將精兵十餘萬屯曲靖以備我師沐英就傳友德議曰彼不意我師深入若倍道趨進出其不意破之必矣上所謂出奇制勝者此也友德是之遂進師未至曲靖

數里忽大霧四塞衝霧而行阻水而止則已臨白石江矣頃之霧霽達里麻見之大驚倉皇失措友德卽欲濟師英曰我軍遠來形勢旣露固利速戰然亟濟恐爲所扼乃整師臨下流潛度出其陣後鳴金鼓樹旗幟達里麻見之急撤衆以禦衆亂英乃拔劍督師濟江達里麻却數里而陳我軍旣濟友德麾兵進戰矢石齊發呼聲動天地戰數合英縱鐵騎擣其中堅敵披靡遂大敗生擒達里麻俘其衆萬計友德悉撫而縱之使各歸業夷人見之皆喜慰軍聲益振遂平曲靖畱兵鎮其地友德率其衆攻烏撒分遣藍玉沐英率師趨雲南

藍玉沐英師至雲南之板橋梁王棄城走滇池島中先縱其妃投水死元右丞觀音保等出降明日駐師金馬山故梁王闡監也先帖木兒以金寶來獻父老焚香迎拜玉等入城戒戢軍士無犯吏民大悅

藍玉遣曹震王弼金朝興取臨安下之

傅友德自曲靖率師循格孤山而南以通永寧之兵遂擣烏撒蠻卽元右丞實卜聞都督胡海洋等兵進自永寧聚兵赤水河拒之及聞大軍至皆遁去友德令諸軍築城板插方具蠻寇復大集友德屯兵山岡持重以待之諸將欲戰友德故弗許士卒無不奮勇思致死力友德

度其可用下令曰我軍深入有進無退彼既遁而復合
心必不一併力夾剿必破之矣若使彼據險自固未易
克也我軍既陳有芒部土酋率衆援實卜合勢迎戰我
軍鼓譟趨之戰十餘合其酋長中槩墜馬死軍勢益奮
蠻衆力不能支大潰斬首三千級獲馬六百匹實卜率
餘衆遁遂城烏撒得七星關以通畢節又克可渡河於
是東川烏蒙芒部諸蠻震讐皆望風降附

十五年正月元曲靖宣慰司行省樞密院廉訪司中慶澂
江武定三路及嵩明等七州昆明等六縣元帥平章副
使達魯花赤等官詣藍玉沐英降獻金銀銅印七十四
金符七馬一萬二千五百六十四

遣使諭傳友德等置雲南都司布政司府州縣治之烏撒
烏蒙東川芒部等處約束其酋長禁其民毋挾兵刃
沐英遣金朝興等兵畧澂江臨安沅江尋甸楚雄洱海俱
下之

閏二月藍玉等進師大理大理城倚點蒼山西臨洱海爲
固土酋段世聞王師且至聚衆扼下關以守下關者南
詔皮羅閣所築龍虎關是也號爲險要玉等至品甸遣
王彌以兵由洱海東趨上關爲犄角勢自率衆抵下關
造攻具遣胡海洋夜四鼓由石門間道渡河繞出點蒼

國朝典彙卷二百七十一 川海雲貴首領
山後攀木援崖而上立我旗幟昧爽我軍抵下關者望
之踴躍誼譟酋衆驚沐英先士卒策馬渡河水沒馬腹
將士隨之莫敢後遂斬關而入山中軍望見亦下攻之
酋兵腹背受敵遂擒段世并畧鶴慶麗江石關金齒及
車里緬甸等處俱下之

三月藍玉等遣兵攻三營萬戶砦拔之

四月烏撒諸蠻復叛傳友德沐英進兵擊敗之斬首三萬
餘級獲馬牛羊以萬計餘衆悉遁復遣兵捕擊盡平之

九月先是傳友德等既平雲南卽分兵四出討諸蠻寨未
服者雲南城守者少諸夷因相扇爲亂有土官楊苴允
桀黠糾集蠻衆二十餘萬來攻時城中食少士卒多病
忽聞寇至頗以爲憂都督謝熊馮誠等嬰城固守旋施
樓櫓備戰具多置強弓弩於陴上至輒射之伺賊少息
則出勁兵以擊之賊不能攻遂連爲困城計時沐英等
駐兵烏撒聞之卽選驍騎一萬還救至曲靖遣卒潛入
報城中爲賊所得給之曰總兵官領三十萬軍至矣賊
衆驚愕遂拔營宵遁走安寧羅衣邵甸富民普寧大棋
江川等處復據險樹柵欲謀再寇英分調將士皆剿除
之生擒四千餘人諸部悉定雲南復平

十六年二月傳友德等遣人送故元雲南右丞觀音保參

政車里不花及酋長段世等一百六十人至京各賜其
家衣服以觀音保為金齒指揮使賜姓名李觀

三月以雲南平詔傳友德藍玉回京畱沐英鎮守時友德
等攻蒙化府鄧州破佛光砦并北勝麗江等府平津
等州俱平及車里之外曰八百媳婦皆來附

七月勅傳友德等討處習字九寨及五村大壩卜池等處
諸蠻明年三月班師回京

十八年八月五溪蠻叛古州命楚王楨同征虜將軍湯和
等進兵剿捕之


月廣南府土酋叛命平涼侯費聚率兵誅之

十九年二月雲南臻洞西浦擺金擺榜諸蠻叛命穎國公
傅友德率師討之

六月平越衛麻哈苗蠻楊孟等聚眾作亂傅友德討平之
二十年五月遣使齎勅諭西平侯沐英等晝夜緝理金齒
楚雄緬甸及瀾滄江中諸道自今以後平緬不許一人

差往靜以待之

二十一年三月麓川百夷思倫發叛命西平侯沐英率兵
討之時思倫發眾號三十萬象百餘隻復寇定邊欲報
摩沙勒之役勢甚猖獗英集將佐令軍中置火銃神機
箭分為三隊俟象進則火銃以次而發及陣既交象皆



被甲衝突而前我軍銳矢俱發象皆股慄而奔乘勝直
擣其柵寨遂縱火焚其巢穴復以兵邀擊之賊衆大敗
斬首三千餘級俘萬餘人象死者過半思倫發遁去英
奏捷還師所過城邑百姓爭持牛酒迎勞之

六月東川諸蠻叛命穎國公傅友德爲征南將軍西平侯
沐英普定侯陳桓爲左右副將軍帥師討之

七月諭友德等不可墮諸蠻詭謀宜駐兵屯種圖之

八月沐英調都督審正率兵會傅友德軍

九月越州土酋阿資叛命沐英會傅友德將兵討之

十月征南叅將靖寧侯葉昇進兵討東川平之凡捕獲五
千五百三十八人

十一月傅友德等將兵討阿資以平夷山勢峻峭密邇龍
海令千戶劉成等樹柵置堡其地駐兵屯守以捍邊境
後以爲平夷千戶所

二十二年正月友德兵至越州阿資遁普安

二月友德以精兵擊敗阿資於普安土官普且來降生擒
千三百餘人獲牛馬羊五千三百餘頭

湖廣安福千戶夏德忠誘九溪洞蠻作亂詔東川侯胡海
普定侯陳桓靖寧侯葉昇帥師討之擒德忠送京師伏
誅置九溪永定二衛

傳友德會沐英所遣審正將兵擣越州初阿資之遁也揚言曰國家有萬軍之勇我地有萬山之險豈能盡滅我輩沐英乃請置越州馬龍二衛扼其衝要又分兵遣捕阿資勢窮感遂請降

三月命友德率二十四將軍還軍分駐湖廣四川要地防西南諸夷

五月狼洞黃平蠻作亂傳友德討平之置興隆衛

十一月思倫發遣把事招綱等來訴犯邊由共下力斯郎所爲乞貸其罪願輸貢賦上命通政司經歷楊大用齎勅往諭脩臣禮宥之恩倫發聽命遂以象馬白金方物入貢謝罪并征雲南叛賊自處等二人把事力斯郎等百三十七人百夷遂平

二十三年正月贛州山城夏三等連結湖廣諸蠻爲亂命東川侯胡海爲總兵普定侯陳桓靖寧侯葉昇爲左右副將軍率湖廣各衛軍士三萬三千五百人討之

命延安侯唐勝宗同鳳翔侯張龍往平越鎮遠貴州諸處訓練軍士提督屯田相機征剿餘蠻

二月命東川侯胡海爲征南將軍帥師十萬征九溪蠻

三月胡海等率師擣九溪六古卑洞擒蠻酋夏三八古皮等械送京師并擊斬賀山蠻兵剿捕散毛部落悉平之

四月涼國公藍玉率兵克散毛洞并平施南忠建二宜撫
司叛蠻擒土酋刺惹譚大旺及宜撫覃文等一萬一千
七百八十餘人盡平之

六月都勻安撫司撒毛撒狗長官司蠻民作亂藍玉遣鳳
翔侯張龍率兵討平之

二十四年阿資復叛平羌將軍都督何福討之阿資降
古州諸洞蠻作亂命都督俞通淵率辰沅貴州軍討之首
克銀賴洞及三門合水古州蒲洞并銅羅蠻俱平之

二十五年三月俞通淵進兵入龍里四寨及灑赤沙上黃
洪州光洞并楊朝三達龍寨兩洞悉克平之班師

二十七年十一月阿資復叛西平侯沐春率兵討之

二十八年正月沐春擒斬阿資於越州平之

八月龍州土官趙宗壽及奉議南丹向武等州叛蠻方命
虐民命左都督楊文佩征南將軍印爲總兵官率列將
韓觀宋晟等將官軍討之

命江陰侯吳高安陸侯吳傑從楊文征龍州諸蠻時高傑
皆以事獲罪故俾征討建功自贖

貴州蠻叛守將顧成討平之

兵部尚書唐鐸奏趙宗壽伏罪來朝乞罷兵 詔楊文移

兵討奉議等處叛蠻鐸叅議軍事平之

二十九年二月征虜將軍胡冕討榔桂等處蠻寇平之

三十年二月水西蠻叛征南將軍顧成討平之

九月平緬諸蠻刁幹孟叛逐宜慰使思倫發奔訖京師

十一月命西平侯沐春為征虜前將軍都督何福徐海為

左右將軍率雲南四川諸衛兵往討刁幹孟

刁幹孟既逐思倫發懼朝廷致討先遣人至西平侯所言

先嘗遣人致方物乞授土官為大甸乃的弄所劫由是

弗克 上閱奏不許

十二月遣思倫發還雲南駐怒江上命沐春令刁幹孟歸

而主母為不臣

三十一年二月沐春奏思倫發所部勿都亦據守騰衝怒

江及景東迤外威遠等處俱已嚮化歸朝刁幹孟懼為

所攻欲假朝廷之威以拒勿都其言入貢恐未可遽信

今姑勒兵俟之 上諭春日遠夷詭詐誠有之然姑從

所請以伺其變其勿都所守諸路爾可從宜撫諭若刁

幹孟之虛詐當審度其宜而處之毋失事機

五月沐春進兵擊平緬先以兵送思倫發於金齒使人諭

刁幹孟不從乃遣都督何福瞿能等將兵五千往討之

福等躋高良公山直搗南甸大破之殺其酋刁名孟斬

獲甚衆回兵擊景罕寨寨乘高據險堅守不節官軍糧

械俱盡賊勢益盛福使告急於春春率五百騎往救之
乘夜至怒江詰旦徑渡令騎馳躡寨下揚塵以警之賊
乘高望見塵起蔽天不意大軍卒至驚懼遂率眾降春
乘勝復擊崆峒寨賊夜潰走遣人乞降事聞朝廷以其
誕詐復令春俟變討之春病卒刁幹孟竟不降乃命何
福往討擒刁幹孟以歸思倫發始得還平緬踰年卒
八月雲南百夷蠻叛命都督何福爲征夷大將軍都督徐
凱副之 十月福進兵金齒討平之

永樂三年正月湖廣都指揮謝鳳等奏招諭峇意等五寨
生苗皆向化刻箭爲誓不復叛亂 上命付湖廣都司
藏之仍戒飭有司務盡綏懷之道

四年十月兵部尚書金忠等言湖廣洪州泊里蠻夷長官
司所屬蠻民吳蘭吳廣吳塘萃等以妖言聚眾爲亂請
發兵剿之 上命湖廣三司遣人招諭遂皆從化

十七年三月雲南富州蠻酋稍逋賦不入命黔國公沐晟
發兵討之晟遣人招諭蠻子謝罪

宣德二年九月 上語吏部尚書蹇義等曰昨四川龍州
奏地連生番近遭攻劫蓋緣州治勢輕請陞爲宣慰使
司築城置軍鎮守庶幾民得安業已令卿等議今思之
龍州開治歷年久矣生番接境自昔已然近日之事蓋

因失於防慎若能覺察豈致疎虞且彼土人若有征調聚則爲兵散則爲民豈不自便今欲編集入伍蠻性未必樂從祖宗建置已定惟當謹守彼蓋乘勢要求若使得志邊方小人必將倣效生事造端不可不慎今但須遵守舊章不必更議

六年御史陳斌言貴州所屬生苗累肆劫掠請命總兵蕭授剿之上不許令授及貴州三司差人撫諭

六月四川龍州儒學訓導田瓊言松藩蠻叛服不常而山林深阻用兵實難宜遣官分守要害使不得耕種彼旣凶乏擊之則易上謂兵部臣曰此言雖似可採然天生此類其性固殊爲人君者但撫諭之使不爲盜在此者不罹其毒在彼者亦得安生此朕之心也其令總兵官盡心區畫務在得宜

正統元年十月四川會川黎漢蠻合底泊等蠻爲亂命都督沐昂討平之

二年十一月馬龍他郎甸蠻不靖命都督沐昂討平之

三年十月雲南麓川宣慰司思任發叛侵掠騰衝南甸

四年正月遣刑部主事楊寧往諭思任發不聽命黔國公沐晟率兵討之師次麓川境賊遣人詣軍門約降主將欲許之衆莫不喜悅楊寧獨進曰不可兵未加而敵降

是必詐以誘我也許之懼有後悔弗聽固請不已衆謂其迂檄寧督運金齒

三月沐晟遣弟昂及方政等以邊師先進晟繼其後政等夜渡江襲破賊柵斬首三千餘政乘勝獨進遇伏力戰死時春已半晟慮瘴發非利遂旋師至楚雄以疾卒

八月松藩番賊入寇命都御史王翱叅贊軍務翱明賞罰肅風紀表飭將領威聲大振賊懼率所部來降翱出

上賜金三十兩寶鈔三千貫易羊酒勞之酋首商巴等感悅盡邀各部落生番十八寨來歸受約束地方獲寧

六年正月命定西伯蔣貴爲征夷將軍總兵討思任發以

太監吉祥監督軍務兵部尚書王驥提督軍務侍郎徐晞督餉麓川本百夷僻不當中國一郡時王振欲立功名遂大發兵十五萬征之轉餉半天下驥奏舉廷臣隨軍贊畫太僕少卿李蕢郎中侯璉楊寧主事蔣琳等皆在行陛辭賜貴等金兜鍪細鎧弓矢蟒龍緋衣

二月雲南總兵沐昂等奏師宗州及廣南府州賊徒阿羅阿思等糾合行劫上命昂及三司巡按等官從長計議委官招撫

十一月蔣貴王驥等大軍至雲南賊攻大候州甚急驥遣兵敗之遂進至金齒分兵爲三道徑抵上江上江者賊

砦所在也夾攻三日不下會天大風驥命縱火焚柵因督衆乘勢力戰斬首五萬餘級賊散走保險爲拒驥等益麾兵深入破連環七砦於沙水龍山又破象陣於馬鞍山之陰賊死者十餘萬思任發遁去乃還

蔣貴王驥遣指揮萬誠等移兵討維摩賊韋郎羅驥遣偏師抵賊境言王尚書大軍且至韋郎羅走安南復傳檄諭之安南人斬其首來獻

七年十月思任發竄入緬甸謀復叛復命定西侯蔣貴克總兵官靖遠伯王驥兼兵部尚書提督軍務討之

八年二月王驥等至金齒遣人促緬甸送思任發軍前緬人佯諾不遣驥乃至騰衝分爲五營與蔣貴及沐昂分督以進木邦宜慰使統兵萬餘駐於蠻江濟觀我兵容驥貴以忠義賞以牛酒遂感悅而退緬人擁衆大至密令貴率兵匝江而下焚其舟數百艘大戰一晝夜賊潰首賊又遁去俘其妻子班師

九年十月鎮撫雲南侍郎楊寧遣人責緬甸人出麓川賊首自效函首以獻

十二年思任發子思機發思上發據孟養叛命靖遠伯王驥督軍務都督官聚爲總兵張軏田禮爲副率兵討之十一月王驥兵至金沙江賊柵西岸以拒驥作浮梁渡兵

攻破之乘勝進至孟養賊歛衆據鬼笑山及芒崖山等寨皆攻拔之斬獲無筭而貴州都指揮洛宜九溪衛指揮翟亨等亦戰死於陣二孽竟失所在疑死於亂兵焉大軍踰孟養至孟那而還 按金沙江去麓川千餘里自古中國兵無渡此者至是深入夷酋皆震恐

十四年二月貴州苗反命兵部侍郎侯璉都督方瑛討之按彭韶曰先是麓川之役盡調雲貴兵以行連兵十年陞秩萬數而夷酋終遁將士多死大軍未班列衛空虛苗獠乘間竊發攻圍城堡於是貴州東路閉矣驥與官聚張軌等先後擁歸師所至人遮泣陳苗獠之害皆曰吾征麓寇不受命殺苗也去之苗前截後殪我軍無復紀律死亡數萬軌等僅以身免諸城被圍歲餘乃解饑死大半而東南因之騷動矣

四月王驥擒苗酋富檻送京師伏誅

五月湖廣苗反命右都御史王來保定伯梁瑤率兵討之七月鎮守湖廣叅將張善御史侯爵及右布政使馬謹率兵剿隆里等處苗賊善等從謹議先期諭來降者數千人分布郡縣其冥頑不服如淇溪等洞大小十餘寨俱攻破之斬首四百有奇奪回被擄人口不計其數

景泰元年四月先是巡按御史黃鎬等奏苗賊攻圍平越

國朝典彙卷二百七十八
等衛日久城中糧盡官軍逃亡存留者日食草根餓殍
危甚乞勅驥等早爲進兵章下兵部議以驥老病請別
選總兵代之乃命保定伯梁瑤克總兵官都督同知方
瑛克副總兵李友克左叅將兵部侍郎侯璉左都督毛
福壽等俱總督軍務統兵剿賊召驥還京

巡按貴州御史周文奏蠻賊并白羅羅土獠等蠻屢攻畢
節赤水永寧普市衛所城池驛站屯堡俱被燒劫危在
旦夕乞調兵運糧拯之詔遣人促梁瑤兼程往除民患
先是貴州新添平越清平興隆等衛圍困已久田禮旣進
兵解新添平越之圍道路猶梗侯璉調署都指揮鄭儁

攻都盧等處宣慰使隴富剿水西賊俱敗之水西至貴
州路始通又行雲南總兵官調兵由烏撒會兵通畢節
等路調安普州土官隆本率土兵援安南衛指揮蕭能
出城夾攻擒賊首二人斬首七十餘級賊復集據紫塘
等寨璉破之遂克彌勒安南等十餘寨降阿蒙等五寨
賊復圍平越璉等回兵擊退之遂分哨七盤坡羊腹河
楊老堡等處以解清平之圍仍哨清平迤東至重安江
與王驥兵會自是興隆抵鎮遠路皆通

七月王來會梁瑤率叅將李震等攻破浪江青龍渡馬楊
山等處賊及甫田靖山并東山等賊俱剿平之

八月普定圍急候璉自將至普定疾戰賊大敗圍解 上

嘉其功遷尚書璉得疾昇歸普定卒

詳總督
巡撫

二年二月湖廣巡撫李實率叅將李震布政馬謹等攻破
武崗城溪平水小言臘鳥等處苗賊擒獲賊首楊光拳
等五百六十餘人斬首倍之并扶城等寨悉降

王來受命至沅州以官軍九萬八千分爲五哨前進辰靖
州等處至貴州重安江苗王韋同烈聚衆八萬據江拒
敵於是分兵連戰大破之斬首三千餘級官民與苗人
旗幟雜出賊勢窮感奔遁相蹈藉死者甚衆乘勝長驅
擣其巢穴韋同烈與僞帥紀歌兒走香爐山其山壁立

千仞根盤三十餘里乃審鄉導築排柵搭架揚橋飛樓
以火鎗火箭晝夜攻擊又置襄陽砲六座四圍擊之賊
衆大窘生擒王韋同烈等并將官五十八人械送京師
餘黨數萬并東西苗酋悉撫寧之詔遣禮部主事孫茂
齋勅獎諭仍賜金帛明年以寇寧召回京

四年巡撫侍郎羅綺率兵討松藩夷人破黑虎諸寨平之
七年九月湖廣苗酋叛奸民李珍魏元冲引酋作亂作讖
文以誑湖湘諸不逞者從而和之民用大擾 上命兵
部尚書石璞提軍往剿生擒珍玄冲送京師苗平還部
天順五年十一月松藩羌民叛大學士李賢見 上曰近

聞外議松藩羌民叛亂已勅四川三司調兵剿殺然三司官統兵頡頑難以成功須朝廷命一將統之庶得成功上曰此慮極是聞都督許貴可用遂命調兵剿之成化三年四月川貴山都掌蠻叛以襄城伯李瑾為總兵官程信為兵部尚書提督討之信至永寧分大軍三道自督入金鷲池四川軍由戎縣貴州軍由芒部雲南軍由普市入期會大壩大軍進至李子關渡船舖賊恃險拒敵飛梭下礮石如雨我軍發神鎗勁弩賊却攀崖上順風舉火焚其龍背豹尾二寨賊退保大壩貴州軍已踰其後四川雲南軍角其左右連破諸賊寨斬首五千擒二千餘賊復走入天井水磨二洞窰洞圍守月餘賊死幾盡九姓土獠附賊乘還師撲剿又大捷請移瀘州衛渡船舖控諸蠻分山都掌故地隸永寧芒部更大壩為太平川立長官司轄熟夷論功兼大理卿

十一年六月湖廣總兵李震等以蔡溪清水江等處苗賊攻掠乞統調京營及雲貴四川南直隸兵會剿殄滅使無遺類上命震等與川貴廣西叅將土官人等各督兵民分屯要害以禦之仍相度事機彼或肆行拒敵則加剿殺或聞風畏威則加撫諭若將來賊勢果熾必欲統調官軍宜俟轉輸既足具奏裁處

十四年六月貴州普定等處蠻賊劫掠總兵官都督吳經等欲大發湖貴雲南兵擊之兵部尚書余子俊欲准其奏上不允勅巡撫陳儼相度事情緩急應否調兵征剿奏來處置

十五年五月吳經等以平西堡蠻賊報捷上命馳勅獎勵之陞報捷人各一級是役也蠻夷零賊劫赴任雲南叅政姚昶家屬吳經奏欲大舉興兵滅之上命陳儼相度事勢爲進止儼畏經弟內官綬之勢竟遷延於家以致經大肆殺戮地方疲敝冒濫功賞人莫敢非議云十七年鎮守湖廣都督王信言永順保靖二長官蠻夷雖

曰心腹之蠹實無能爲但選精銳常加隄防其患自息湖湘田地高下不齊農家無所蓄積飲獲未竟徵歛一空乞選方面守令大加存恤上下其章飭勵衆職十八年四川巡撫孫仁以松藩賊劫掠請剿之上不許十九年三月孫仁等奏火掌壩邛部天全六番賈了等寨番蠻糾衆爲亂兵部議命仁等統率官軍剿平之上勅諭令各招討土官省諭各寨將首惡設法擒獻罪止其人如不聽從照部議進兵

弘治四年四月貴州黑苗叛守臣告急起丁憂副都御史鄧廷瓚提督軍務勅鎮遠侯顧溥領兵討之

五年九月廷瓚至百計遣人招撫不從始決策征剿斬首
六千級生擒二千餘口械首惡數輩赴京悉斬於市

六年八月鄧廷瓚言寇既盪平都勻清平舊設二衛所屬
九長官司世祿驕縱稔惡釀患致夷人侵田奪貨已四
十餘年今幸惡黨稍除非大更張不能爲保境安邊之
計條上十一事下兵部會議悉見施行始設都勻府一
獨山麻哈州二清平縣一更擇流官土官兼治

十年貴州清平苗阿溪者清平衛所部苗也本江西人漂
蕩至彼桀驁多智數人之爲寨主雄視諸苗有養子阿
刺膂力絕倫二人謀勇相濟清平之境官苗交害歲無
寧居都御史孔鏞受命撫貴州初至卽廉得其狀謀欲
除之乃自往清平訪求部曲之良有指揮王通召而禮
焉因叩其事通云彼獨藉王指揮陳總旗二人必先得
二人心乃可濟鏞悉以計致之於是陳入寨誘溪出至
隨至出其不意呼伏出數百人擒溪刺父子刺徒手搏
傷數十人俱就縛援兵適至遂檻送貴州論死溪有二
子竄都勻鏞亦勅所司擒燼之

十四年四月雲南思疊梗化守臣議欲進兵兵部尚書馬
文升欲遣京朝官往諭之吏部尚書倪岳言京朝官諭
之不從則策窮矣不如姑遣藩臣有威望者以往彼當

國朝典彙卷二百七十七 川湖雲貴苗蠻
無不服不服再議用兵未晚也詔從之

十七年三月松藩番夷肆亂 上以劉洪久諳戎務改巡

撫四川賜璽書俾專征討乃建戰守二策申嚴號令躬
幸諸路軍馬剿捕且宣布朝廷德意示以禍福散撫其
衆由是列柯空龍二寨爭斬首惡出獻納款疆場遂清

正德二年雲南屬夷酋阿本構亂巡撫吳文度討平之

八年十月貴州巡撫楊茂元率兵討孛子坪五寨平頭烏
雞等苗寇平之

十一月雲南十八寨夷人出降衆以其素梗化欲乘機擊
之擣其巢穴以邀功賞巡撫洪遠以殺降不信置無辜
於死地不仁掩無備而襲之不武衆皆服自是不復反
十二年九月貴州清平苗阿傍阿革等反湖廣巡撫秦金
會貴州巡撫鄒文盛合兵討平之

十六年十一月先是白水江熨蠻普法惡等以妖言蠱亂
富順人謝文義文禮陰助之數寇掠爲患都指揮杜宗
戰敗卽文義奪其冑以去千戶胡臯百戶潘輔死焉於
是巡撫馬昊督指揮曹煜張麟等討之獲首功千五百
餘級蠻遂請降其後議爲之置吏增賦蠻不安思變杜
宗又憾文義文禮募人潛殺之文義等懼嗾諸蠻復叛
衆議咎宗宗遂以重賄購於諸蠻然自是旋服旋叛及

巡撫盛應期至乃用守備指揮何卿剿賊直擣其巢前
後擒斬甚衆追殲文義於頭髮山撫其餘黨事平追究
其初啟釁債事者時宗已死獄中 詔逮昊至京下獄
總兵吳坤及兵備守巡等官皆以先免官或調任不問
嘉靖十九年三月湖廣江華縣苗寇寥道堅羅田竹溪縣
盜郭仲才張友忠等作亂殺主簿張文英巡檢許昂事
聞詔責總兵官譚綸巡撫陸杰兵備戴時宗等俱令戴
罪剿賊未幾報賊俱捕得誅之

十二月湖貴之間有山曰蜡爾

又曰蠟爾

諸苗居之苗古三苗

遺種也山東北屬鎮溪千戶所稍南屬寧子坪長官司

隸辰州府山西屬銅仁府銅仁平頭二長官司隸貴州
西北接酉陽宣撫司地東西可二百里南北百二十里
各土官相轄有戶籍稍輸賦與廣西徭獍不同其屬鎮
溪者半與瀘溪編民雜處所墾種多瀘溪田供徭役雖
時小寇竊未叛也有寧子坪土官田典爵以事繫辰州
獄諸苗賂吏計脫深匿苗塞主奉之典爵反虐苗多求
索淫苗妻女諸苗怒逐之燬其公署遂叛日相蔓引鎮
溪苗亦叛其貴州銅平有叛苗不納稅糧官府嚴督土
官平頭長官遂携印逃諸苗番叛共保蜡爾山結砦自
固湖貴守臣討之不能定事聞 上乃召萬鏜爲副都

御史開府辰州令相機撫剿鑿徵諸路漢土兵進討之
二十三年萬鏜討湖貴苗四年不克有言鎮溪土指揮田
應朝爲諸苗所信服足辦此事鏜用爲巡捕指揮應朝
故辰州諸生巧黠多智術能誘煽諸苗往年永順保靖
相仇殺皆應朝陰搆亂而兩利其賄及得巡捕益煽惑
羣苗大肆奸利故功久不成鏜誘苗帥龍某來見龍謂
必得質始出鏜令一千戶入質龍果來鏜執而奏殺之
苗亦殺其千戶復遣兩省諸監司挾所隸土官親詣賊
巢招撫犒以花紅牛酒給魚鹽又計口給糧食官其魁
龍許保湖苗暫息貴州苗尚未肯靖鏜遂奏苗平請班
師朝廷各論功陞賞召鏜還爲兵部侍郎未幾龍許保
吳黑苗復倡亂焚劫州縣兩省無寧日

二十五年二月四川白草番爲亂陷平番堡及奠酒關擄
把總丘仁殺百戶耿爵流劫村寨給事中扈永通劾副
總兵高岡鳳昏庸不可用都御史王大用惟務裁節誤
撤藩籬所減才萬之一而喪失無筭皆當罷黜給事中
諸葛峴因言何卿沈希儀皆川廣良將可代 土用兵
部議罷大用岡鳳嚴飭守土諸臣戴罪立功命卿以
署都督僉事克副總兵分守松藩等處

八月四川巡撫張時徹言川蜀之地民夷錯居往者番賊

一族流入石泉縣白土諸鄉號白草番於時我軍不卽剪蕩徒扼要地守之今奠酒平番關堡是也比者遊擊周庚作威妄殺召怨起釁關堡陷沒守將俘虜而賊勢愈得全蜀爲騷動矣爲今之計莫如量調漢土官兵三萬分布要害直擣巢穴如番蠻畏威納款獻還擄掠人口擒送首惡情願築立關堡分地認守者聽臣便宜撫處兵部覆其是 上許之令相機撫剿

二十六年四月張時徹檄何卿討平白草番蠻以時徹爲兵部右侍郎卿爲都督同知

湖廣巡撫姜儀貴州巡撫王學益請合兵進剿湖貴亂苗時楊叅將將赴湖過辰州爲賊所縛儀畏罪上言學益兵失期不至內批切責務期盪平四川巡按袁鳳鳴遂劾學益逮下詔獄以李義壯代之用兵數月日費千金官軍頓挫人畜殘破遂罷兵

二十九年總督湖廣川貴都御史張岳至辰州集諸司議多言林箐深密累剿無功撫之便卽不就縛戍之使不出掠可耳岳不然之巡撫李義壯執撫議不欲變岳劾義壯不受節制下兵部覆議奪義壯官回籍聽調亡何苗攻陷印江縣復寇石阡府貴州震動事聞 上降詔切責岳岳乃知撫戍俱非策力主進討其湖苗仍令叅

國朝典彙卷二百七十一 川海雲貴苗匪紀 二二二
政王崇如故撫處而大集土漢兵討貴苗總兵官沈希
儀督聽理叅將石邦憲等分哨並進岳命湖廣叅議張
景賢貴州副使趙六屏監督之

張岳以九月進兵至十二月屢破諸苗俘斬二千餘人龍
許堡母妻姬女皆就擒餘苗跳匿林菁凍餓死殆盡巢
砦俱燬窖藏俱發而火之許保實逃匿諸卒漫稱已獲
第未遠至岳信之具以捷聞撤所徵兵歸鎮畱石邦憲
搜捕餘黨初邦憲以印江陷被劾岳疏畱之賴破苗云
三十年二月龍許堡吳黑苗復糾合湖廣附貴境叛苗百
餘人出劫思州府或謂四川酉陽宣撫冉玄實陰主之

思州城中舊有瞿塘衛踐更卒戍守時苗平城守稍怠
知府李允簡方視衙苗寇百餘人佯稱瞿塘卒更戍突
入城殺吏民百餘人掠帑藏執允簡及經歷知事等官
去石邦憲等聞報亟分遣兵邀其歸路諸苗懼縱允簡
等得逸歸由小徑各遁入林箐邦憲等所遣兵伏諸路
邀擊擒斬數十餘人岳乃檄永保二宣慰及冉玄會兵
討湖苗助逆者未幾各兵擒斬湖苗渠魁數十人餘黨
復以撫定初田應朝自得巡捕後日益橫岳至檄使來
見不出顧謾語應之岳廉知應朝雖詭無武勇其所恃
從叔田勉驍悍爲之牙距先以計執勉杖於獄應朝乃

竄匿苗寨累遣人自列岳許之令出立功贖罪久不出乃革其巡捕以事屬鎮溪所諸千戶應朝失巡捕勢益窮乃托永順宣慰投見岳以時方用兵恐激他變杖而釋之令從征暨苗寇破仍以計擒杖殺之時諸苗畧定惟龍許保吳黑苗未獲岳檄邦憲等懸賞購之

三十一年八月石邦憲購擒龍許保等密遣使入寨賄令聽撫苗誘至別寨醉而縛之預遣人報邦憲以兵取之去岳奏誅之仍嚴督捕黑苗而貴州巡撫任轍等乃言不當以一首故而稽成功欲罷無捕岳力持不可既詢知其因捕急故深自匿岳乃故緩其令盡釋所繫諸親黨而密督諸土官索之至是廉得其匿所遣兵劉甫等陰入寨襲斬之持其首出諸苗繳饗爲功奪去索賞僉事龍遂給賞百金仍令土官田興邦督索得之岳始以竣事聞湖貴悉寧仍命岳撫鎮其地

先是酉陽宣慰使冉玄助劫思州岳含忍未究及苗平岳乃條上玄罪狀乞逮治玄陰遣人挾重貲入京行賂嚴嵩岳復疏訐其陰謀行賂乞下廠衛嚴捕不報

三十四年夷民阿康返居宜賓縣恃險爲亂有司慮得罪匿不聞久之賊勢益熾至數千人焚屠村鎮巡撫張臬督土兵二萬餘討平之擒康返諸巢皆破

三十五年張岳既卒諸苗盧阿項吳平章等復叛總督侍郎馮岳至檄總兵石邦憲復擊平之以捷聞

四十四年四月雲南夷阿方李向陽等起兵攻易門所流劫嶒峨昆陽新化諸州縣僭號稱王約土官王一心王行道為援一心後悔詣軍門請討賊自効巡撫呂光洵許之尋出榜招降其黨數百人督漢土兵分道俱進先斬向陽乘勝攻大小木址二寨克之斬阿方餘黨悉平十月貴州龍里衛叛苗阿利擁眾劫印格殺官兵總兵石邦憲巡撫吳維嶽會兵剿之賊首就擒上命賞邦憲等銀兩誅阿利等梟示如律

終

國朝典彙卷一百七十八

都察院右僉都御史臣徐學聚編輯

男與參重訂

兵部 四十二

兩廣徭黎

洪武二年中書省臣言廣西諸洞雖平宜遷其人內地可無邊患上曰溪洞徭獠雜處其人不知理義順之則服逆之則變未可輕動惟以兵分守要害以鎮服之俾日漸教化則自不為非數年之後皆為良民何必遷也三年八月湖廣行省平章楊璟等還自廣西入見上問

廣西兩江黃岑二處邊務璟言蠻夷之人性習頑獷散則爲民聚則爲盜難以文治當臨之以兵彼始畏罪上曰蠻夷之人性習雖殊然其好生惡死之心未嘗不同若撫之以安靜待之以誠意諭之以道理彼豈有不從化者哉此所謂以不治治之何事於兵也

十月上思州蠻賊黃龍關等聚衆寇鬱林命潭州指揮同知丘廣等率兵討平之

五年正月 上以古州思州澧州等處洞蠻嘗梗化作亂命衛國公鄧愈爲征南將軍江夏侯周德興江陰侯吳良爲副將軍討之愈率榮陽侯楊璟宜春侯黃彬出澧州德興率南雄侯趙庸指揮僉事左君弼出南寧良率平章李伯昇出清州三道並進

四月鄧愈遣楊璟等討澧州散毛柿溪赤松安福等二十九洞平之

八月吳良等平五開潭溪古州諸蠻凡二百四十三洞籍其民一萬五千收集逃散士卒四千五百四十人牛馬四百餘頭

九月周德興等討婪鳳安田等諸洞悉平之遂克泗城州七年四月永道桂陽諸州蠻寇竊發命金吾衛指揮同知陸齡率兵討平之

十五年正月趙庸率兵攻東莞等縣石赤嶺等寨平之
十七年十月廣東都司械送蠻寇餘黨九十餘人至京法
司請治其罪 上命宥之又曰南人不耐寒命悉給冬
衣而遣之

十八年五月思州諸洞蠻作亂命信國公湯和江夏侯周
德興從楚王楨討之時蠻寇出沒不常聞王師至輒竄
匿山谷退則復出剽掠和等師抵其地恐蠻人驚潰乃
於諸洞分屯立柵與蠻民雜耕使不復疑久之以計擒
其渠魁餘黨悉潰師還畱兵鎮之

九月洞蠻吳面兒等寇古州命湯和從楚王楨進兵剿捕

二十年潯州知府沈信言府境接連柳家梧藤等州山谿
險峻徭賊出沒不常實爲民患臣愚以爲桂平平南二
縣舊附徭民皆便習弓弩慣歷險阻若選其少壯千餘
人免其差徭給以軍器衣裝俾各團村寨置烽火與巡
檢司民兵相爲聲援協同捕逐可以殲之 上不許

永樂二年八月荔坡縣民覃真保奏八十二洞徭民願隸
編籍乞遣使招撫命都督韓觀遣人撫諭願爲民者復
徭役三年

三年二月韓觀奏桂平縣蠻民爲亂請發兵剿捕 上勅
諭撫安不許發兵

七月巡按廣東御史汪俊民言瓊州府周圍皆海中有黎
母等山皆生熟黎人所居藏亡匿叛侵擾居民今朝廷
遣使招諭訪得宜倫縣熟黎峒首王賢祐舊嘗奉命招
諭黎民信從歸化者多况其服習水土不異瘴癘臣請
仍詔賢祐至京量授以官俾招諭未服黎人戒約諸峒
無納逋逃其熟黎則令隨產納稅一切差役悉與蠲免
生黎歸化者免其產稅三年峒首則量所招名數多寡
授以職事從之

崖州黎以私忿爭相戰鬪衛將利於漁取欲發兵剿之瓊
州知州王伯貞執不可乃遣寧遠縣丞黃童視之果仇
殺獲首賊數人罪之黎人遂安

十二月平樂蠻賊莫彥恭等聚衆劫殺良民都指揮葛森
奉命剿平之

十四年十一月高要縣徭首周四哥來朝籍其屬八十七
戶男女二百二十四口願入版籍供賦稅賜鈔幣遣還
洪熙元年勅貴州總兵都督蕭綏調官軍剿捕蒙顧洞賊
蒙再萬等及藍山賊潘康生等并寧溪徭蠻以除民害
宣德二年四月廣東三司奏瓊山縣黎寇平械首賊王觀
政等至京上命付刑部謂尚書蹇義等曰蠻性雖難
馴然如生惡死之心則同若撫綏有道彼亦安肯自取

殺戮今之爲變必有所激致之死地亦可矜憐宜嚴戒撫黎官寬以馭之若生事激變國有常刑

四年四月廣西總兵山雲討柳潯二州寇并誅其從寇二千四百八十人梟首境上以徇歸寇所掠軍民男婦四百四十六人以聞 上謂尚書張本令雲息兵有未服者遣人招諭

五年十一月山雲出師討慶遠蠻寇斬首七千四百平之正統二年五月山雲奏懷遠縣板江等寨蠻寇韋潮振等一千七百餘嘯聚行劫宜調兵剿之 上勅雲撫諭

景泰六年正月廣東瀧水程賊趙音旺作亂合諸山叛程大肆殺掠民罹其害兩廣總督馬昂調廣西狼兵軍直抵其巢斬獲甚衆

天順二年瀧水逍遙等山程賊鳳廣山恃險爲惡官兵莫能制廣山死其子弟吉襲父之惡僞稱鳳三將軍招集各山賊首程蠻劫掠鄉村攻圍城邑陷殺指揮等官巡撫葉盛等會調兩廣大軍水陸並進於連灘立爲總營節制號令督行都指揮胡榮在陽春魚子水韓瑄在岑溪思慮新樂徐昇在雞骨嶺韋俊在羅傍水口各進兵副總兵歐信叅將范信各親督兵齊力夾攻直搗巢穴各賊累次迎敵官軍奮勇擒斬首從賊徒鳳第吉等三

百四十五名顆殘黨多各餓死招撫脅從回山住種及於附近營堡添兵固守

五年十二月葉盛同都督顏彪討大藤蠻賊督兩京漢達并江西湖廣浙江等衛所及官軍土兵壯快人等分道夾攻破老鼠道袍石門紫荆金龍白鶴六廟僊女關通天嶺等巢七百二十一處擒斬首從賊徒三千二百十七名顆燒燬房屋禾倉萬七千二百間追奪賊船五百三三隻奪回被擄男婦五百三十一名口牛馬器械稱是

成化元年正月兩廣蠻寇作亂狂酋侯大狗自景泰以來作亂嘯聚至萬人墮城殺吏而脩仁荔浦平樂方山諸

狂應之其勢益張天順中詔能捕大狗者予千金爵一級卒莫能得久之鬱林博白新會信宜興安馬平來賓亦煽所至丘墟兩廣三司皆戴罪守官至是兵部尚書王竑奏言峽賊稱亂不宜以招撫爲功因薦浙江叅政韓雍文武全才於是以雍爲右僉都御史都督同知趙輔爲征夷將軍都督僉事和勇爲遊擊將軍率兵討之命戶部侍郎薛遠整理兩廣軍餉御史劉慶汪霖紀功

六月韓雍會諸將於南京議進兵方畧或曰宜分兵一由庾嶺入廣東一由湖廣入廣西隨在撲之俟其團結乃可圖爾雍曰不然大藤峽爲廣西腹心之患舍此不圖

而分兵四出賊必擁而漫流流賊愈多而州縣愈破莫若併力西向搆其腹心元惡既擒餘必投刃而解矣諸將曰然乃以官軍三萬人兼程而進

七月韓雍率大軍至全州會陽洞西延苗賊爲梗出徧師擊滅之戮失機指揮李英等四人軍威大震

九月韓雍至桂林議曰脩仁荔浦峽賊之羽翼以永順保靖及兩江土兵十六萬人五路並進先破脩仁窮追至力山生擒千二百餘人斬首七千三百餘級

十一月韓雍等率師次潯州延父老問計皆曰大藤峽天險密等重崑三時瘴癘其等生長一方莫得要領今兵

威久振賊備益堅莫若屯田四圍且戰且守以待其斃雍曰不然峽山寥澗峽路紛披輪困六百里間安可圖也且屯兵日久彼銳我衰睥睨之奸患起衝突今我軍新破府江勇氣百倍峽賊聞之亦已褫魄不若因而乘之可立破也乃以六萬八千人爲右軍以總兵歐信叅將孫騏高瑞都指揮夏正葛宗蔭指揮王英等將之自象州武宣分爲五道攻其北以九萬二千人爲左軍以都指揮白全楊英張剛王玘彭倫夏鑑柴正指揮唐楮等將之由桂林平南分爲八道攻其南以左叅將孫震指揮程文昌千戶于虞等巡守左江及結五屯截其奔

路雍與輔和開府高振嶺以督諸軍令信曰山北旣破
使可提兵深入夾攻桂州橫石諸崖令正日林崗沙田
府江間道也宜由越古眉雙髻諸山伏兵林崗扼其東
奔諸將受命

自十一月朔諸將四面夾攻別遣兵斷諸山口賊聞兵來
置婦女積聚於桂州橫石寺塘諸崖乃悉力出擇峽南
排柵牢密滾木礮石鏢鎗毒矢下如注官軍登山仰攻
雍督戰益急敵少息雍覘其怠急奮擊之將士用團牌
扒山虎壓二笆等器魚貫以進皆殊死戰無不一當百
呼聲撼山峽若崩賊氣奪雍命縱火烈山烟焰蔽天日

晝暝賊大潰敗盡破山南石門大信道袍諸舍老鼠窟
嶺竹踏梁腦紫荆林崗沙田古營大寨等山賊屋廬藏
積皆赭日暮雍命就營巢中衆栗栗視雍恬然整暇咸
恃以安賊旣潰入橫石諸崖雍飭兵窮追破山開路行
數日至其地賊上九層樓等山峯巒萬重勢控霄漢絕
崖懸壁林篠叢惡帖危險絕非人所處賊樹柵數重用
千斤礮石大木轉而下聲吼若雷崑谷響應弩矢雨注
雍誘使大發令人潛陟絕巔覘賊發竭舉礮爲應自卯
至未賊發竭忽礮震雍緣木攀蘿以升招衆悉上援引
蟻附漫山奮擊連數日夜鏖戰數百合山北兵且至山

林峒與大兵合賊大敗擒侯大狗等七百八十餘人斬首三千二百餘級望風皆散先是峽中有大藤如十延亘兩崖諸蠻蟻渡故曰大藤峽至是斬之改名斷藤峽二年正月韓雍班師奏捷改設武宣縣東鄉等巡檢司以土人李昇等爲副巡檢設武靖州於峽內以上隆州知州岑鐸知州事土人覃仲英世襲土官吏目

六年十月韓雍等奏斷藤峽殘賊二百餘徒夜入神電衛城燒毀電白縣治

十二年十月兩廣總督朱英奏廣西猺獞屢服屢叛臣等會議將撫治勸誘之方揭榜曉諭有願效順者卽定爲編戶復其徭賦三年或家業未成願還本貫者聽時則有荔浦縣立山鄉賊首李公主令其子扶寶率衆四十來請軍門告稱本山乃古蒙州之立山縣請復立爲州縣見有衆數萬俱願歸順叅政袁愷復招出馬平等縣猺獞五百餘人叅議謝綾招出蒼梧等縣猺獞千七百九十人副使范鏞等亦招出陽朔等縣猺獞陸續報官其餘未順者諒皆漸可招徠俟疏下兵部尚書頃忠等言英等能下順民情施恩布信令出未及數旬歸幾及萬數宜賜勅獎之

十八年四月馬平縣主簿孔性善言溪洞猺獞恃險竊發

然此雖盜賊豈無良心昔者陳景文為知縣猺獞皆應
差殺厥後長吏撫字乖方始復反側誠使守令得人示
以恩信諭以禍福彼雖兇頑豈不革心向化為良民乎
上納其言命吏部凡溪洞郡縣擇賢守令以撫輯之

弘治三年正月兩廣總督秦紘征瀧水後山諸賊調取漢
達官軍土兵義勇民壯行委湖廣按察使陶魯統領時
魯帶管嶺西道誓於衆即行叅將陳皞都指揮白玉馬
義統督各官進攻瀧水捨舟登陸深入石狗紅荳雲陽
白梅火燒風門鐵場諸山分守要害擒斬首從賊徒五
百三十九名顆奪回被擄男婦三十一名口俘獲賊屬

一百四十名口賊使器械三百六十七件瀧水悉平自
是順流而東駐劄太平營魯行廣州知府林泮勸蓋地
圖給領旗榜魯遣都指揮馬義李敬何清率領指揮孫
璧李寅謝謙楊玉等官軍并土官民兵分為四哨攻破
野鴨山員魚坑藍漢山青芒黃峒白雲禾谿乍坪小長
江金坑黃竹長坪等山擒斬首從賊人首級千八百七
十四名顆俘獲賊屬百五十七名口奪回被擄男婦三
百零七名脅從盡釋地方始平

五年七月番禺瀧水柳慶可樂猺獞相繼為亂都御史閔
珪督兵平之

國朝典彙卷二百七十一
十年十二月兩廣總制鄧廷瓚調兵征鬱林州雲壚大桂
諸種猺獞俱平之

廣州知府林泮奏奉總督檄會總兵征藍漢諸山洞蠻入
其穴擒渠賊殲之

正德二年柳慶猺獞常朝宣等構亂總督陳金討平之

四年正月廣東兵備僉事吳廷舉督兵征十三村池水清
瀾巨盜平之

四月廣東河源龍泉渠賊林貴謝祥鍾仕高構亂總督劉
洪訓兵儲積百需咸備卽督率羣帥兼調狼兵合數萬
餘軍勵氣奮勇直抵巢穴環圍而攻之甫兩月俘斬八

千人追回被擄男婦百五十二名口奪獲資畜器械無

筭諸寇盡戮餘黨悉平捷聞 上賜獎諭兼白金文綺

七月廣東樂昌仁化猺獞與郴桂賊構逆總督劉洪調狼
兵及官兵二萬討平之

十年七月嶺西猺獞作亂命廣東右布政吳廷舉兼兵備
副使撫治廣肇諸府

十一年三月先是府江東西兩岸大小桐江洛口仙石回
茂田冲斷藤峽滕隴三黃等處村巢接壤聚衆劫殺又
爲府江之患總督陳金督調兩廣漢達官軍土兵分爲
六大哨行兩廣按察使宗璽布政吳廷舉副使傅習張

佑叅議張九達叅政蔣曙副總兵房閏鎮守太監傅倫
叅將牛桓張祐陳義都指揮魯宗貫王英鄭綬戴儀統
領水陸並進俘斬七千五百六十九名顛餘黨悉平
十二年閏十二月湖廣巡撫秦金調兵征榔桂猯賊平之
十三年七月兩廣總督楊旦調官軍土兵征河源等縣蘇
洞十八山滴水巖青龍岡帽子峯等寨猯獠斬首萬一
千有奇俘獲四千一百有奇奪回掠擄男婦二百三十
有奇牛羊輜重不可勝計 賜勅褒獎

嘉靖元年廣西蠻賊梁公當等數千人寇掠臨桂等州縣
鎮守太監傅倫以聞時巡撫張嶺久未抵任總兵朱麒
副總兵張祐皆因循觀望左右兩江兵騎驚不受調
上命降勅切責麒等

八月廣西夷目黃謬等作亂先是上思州舊爲土官治所
中更設流官土人嘗爲亂謬等聚衆攻州欲奪其印都
御史林廷選捕謬下潯州府獄已而越獄復率衆攻州
官軍禦之乃詐降副總兵張祐不爲備謬復攻破州城
守臣走巡撫張嶺等以狀聞并陳督兵會剿之策兵部
議報可仍命巡按御史查先年致謬縱脫者逮治

七年初韓雍平斷騰峽諸蠻稍靜正德中遺孽復熾橫掠
商舟總督陳金務爲姑息令諸商入峽者各出魚鹽遺

之諸蠻就水濱受去初以坐得利不爲害久之遂無忌
大肆掠奪不愜卽殺之道路爲梗兩廣總督王守仁撫
田州時先檄湖廣土兵欲誅盧蘇王受等至則田州已
定湖兵當還而蘇受亦願立功自効兩江父老遞訴峽
寇猖獗狀守仁上疏請討許之乃命湖兵及蘇受等隨
至南寧與諸守臣將率議襲峽寇寇聞湖兵且至先期
逃匿守仁故爲散遣諸兵狀寇弛不爲備乃令官軍突
進連破油磑石壁大皮等寨巢賊奔斷藤峽復追擊破
之賊復奔橫石江溺死六百餘人俘斬甚衆賊衆潰散
搜剿無遺遂移兵進剿仙臺花相萬竹古陶羅鳳周安
副總兵張祐皆因循觀望左右兩江兵騎驚不受調

上命降勅切責麒等

八月廣西夷目黃謬等作亂先是上思州舊爲土官治所
中更設流官土人嘗爲亂謬等聚衆攻州欲奪其印都
御史林廷選捕謬下潯州府獄已而越獄復率衆攻州
官軍禦之乃詐降副總兵張祐不爲備謬復攻破州城
守臣走巡撫張嶺等以狀聞并陳督兵會剿之策兵部
議報可仍命巡撫御史查先年致謬縱脫者逮治

七年初韓雍平斷藤峽諸蠻稍靜正德中遺孽復熾橫掠
商舟總督陳金務爲姑息令諸商入峽者各出魚鹽遺

之諸蠻就水濱受去初以坐得利不爲害久之遂無忌
大肆掠奪不愜卽殺之道路爲梗兩廣總督王守仁撫
田州時先檄湖廣土兵欲誅盧蘇王受等至則田州已
定湖兵當還而蘇受亦願立功自効兩江父老遞訴峽
寇猖獗狀守仁上疏請討許之乃命湖兵及蘇受等隨
至南寧與諸守臣將率議襲峽寇寇聞湖兵且至先期
逃匿守仁故爲散遣諸兵狀寇弛不爲備乃令官軍突
進連破油磗石壁大皮等寨巢賊奔斷藤峽復追擊破
之賊復奔橫石江溺死六百餘人俘斬甚衆賊衆潰散
搜剿無遺遂移兵進剿仙臺花相白竹古陶羅鳳周安
古鉢都者嗣等處巢寨次第破之擒斬三千餘俘獲無
算入寨悉平兩江底定

十五年七月初王守仁平峽盜以岑猛子邦佐爲武靖知
州使靖羣孽邦佐不能輯衆峽北盜復遂猖獗侯勝
海者爲亂首指揮潘翰臣誘勝海殺之勝海弟公丁聚
衆謀城下僉事鄔閱叅議孫繼祖言於都御史潘旦請
討之叅將沈希儀以爲需春水長順流下乃可撲滅不
聽閱繼祖以千人往擊之盜遁走斬一疋羸而還遂言
盜已遠去請置堡戍之堡成閱令土目黃貴韋香以三
百人往戍初貴香利勝海田廬故愆憑翰臣殺之至是

閱復令成貴香取勝海田廬不禁於是諸猺俱恚邦佐
又陰黨之公丁遂嘯聚二千餘人夜攻堡城破之殺成
兵二百人貴香走免巡按御史諸演䟽其事請討之閱
與繼祖以啟釁罷旦亦代去命侍郎蔡經督兵討之
十六年蔡經承命撫廣集諸司議發兵進征會朝議欲征
安南事遂已公丁等益橫經乃會安遠侯柳珣決計發
兵以兵事屬副使翁萬達萬達廉得百戶許雄素通賊
狀切之曰能擒公丁貸汝死不卽論如法雄懼請効力
自贖萬達佯庇公丁謂仇家誣之耳乃捕繫許訟公丁
者數人公丁果遣人自列萬達亦佯許之又令雄假稱

貸爲賄公丁喜益信雄會萬達巡他郡

事屬參議田

汝成汝成召雄申飭之雄給公丁詣汝成自列寇堡
事繇他猺汝成亦慰遣之乃密授意城中居民被賊害
者家出毆公丁一市皆譁游徼并逮公丁入繫獄遣雄
諭其黨曰寇堡事公丁委罪諸猺果否諸猺遂言事果
自公丁聽論坐不敢黨乃檻致公丁於軍門磔誅之時
十七年冬也汝成乃言之督府謂首惡旣擒宜乘此時
進兵討賊經許之乃以副總兵張經將左軍副使翁萬
達監之以都指揮高乾將右軍副使梁廷振監之以副
使蕭畹紀功叅政林士元及汝成督餉以十八年二月

兩軍齊發左軍三萬五千人分六道攻紫荆石門梅嶺木昂藤冲大坑等巢移軍萬六千人分四道攻碧灘羅淥上中下峒等巢南北夾擊賊大窘遂擁衆奔林峒而東王良輔邀擊之中斷復面奔諸軍合擊大破之斬首千二百級復追至羅連山又斬百餘級會平南縣有小田羅應古陶古思諸猺亦據險弗靖萬達等移兵剿之招降賊黨二百餘人江南胡姓諸猺歸順者亦千餘人藤峽復平萬達汝成乃同獻議於督府凡七事復謂岑邦佐治武靖州不職夷衆離散宜改州爲千戶所以三縣狼兵隸之議上蔡經多採納疏請行之捷聞經進秩

一級柳珣加官保諸將帥守臣皆賞賚有差

二十四年七月廣西巡撫張岳奏獾賊竊發廣東則有封川縣蘇松樂等廣西則有馬平來賓二縣覃朝鮮等各肆擄掠敵殺官軍封川猶急請亟進兵殲滅之上曰獾賊肆逆如議剿絕毋得濫及無辜叅將守巡等官平日防範不嚴俱令戴罪殺賊通候事寧之日具奏定奪二十五年廣西巡按馮彬言廣西之患莫甚猺獾與其召募以防賊不若召募以剿賊部議廣西一省狼人居其半其三猺人其二居民以二分之民介蠻夷之中事難猝舉且免差應調土狼積習今日應募以平之者安知

他日不各據其地轉而爲賊乎宜下撫按議從之

二十八年八月時廣東崖州有黎患賊首那燕聚衆至四
千人流劫鄉寨詔發兩廣漢達土舍兵九千剿之已而
賊構感恩昌化諸處岐賊勢益狂熾至攻毀城廓給事
中鄭廷鵠言瓊州諸黎盤居山峒而州縣反環其外自
開郡來千六百餘年無歲不遭黎害然無如今日甚矣
臣生長其方見聞頗確今日黎患非九千兵可辦若添
調狼土官兵兼召募打手共集數萬衆一鼓而四面攻
之然後可克爾臣又嘗考今者剿除黎患其大舉有二
元至元辛卯曾空其穴勒石五指山其時雖建屯田府
立定安會同二縣惜其經畧未盡故所得旋失嘉靖庚
子又嘗大渡師徒攻毀巢崗無處不至於時議者謂巢
德霞地勢平衍擬建城立邑招新民耕守業已舉行中
道而廢旋爲賊資以致復有今日臣謹條五事一崖黎
三面郡縣惟東南連郎温嶺泐二峒岐賊實當萬州陵
水之衝崖賊被攻必借二峒東江以分我兵勢計須先
分奇兵攻二峒而以大兵徑擣崖賊彼此自救不暇莫
能相顧則殲滅可期傳聞賊首那燕已入凡陽構集岐
賊宜開示安慰以解狐疑之黨一黎無奸細而能知我
軍機動靜則內轄土舍實爲之由各土官以貪暴失黎

國朝典章卷之二十七 一 所屬有
衆心故此輩反右黎而仇我防杜轉移不可不慎一獻
識之後請招集新民定以約束興學官置子弟嚴爲挾
弓矢兵械之禁以漸易介鱗而衣冠之久久當與內地
無異一隋唐郡縣輿圖可攷今多陷入黎中蕩平後宜
悉恢復并以德震千家羅活等膏腴之地盡建州縣設
立屯田易耕且守仍由羅活磨斬開路以達定安由德
儂沿溪水以達昌化道路四達井邑相望一軍威旣振
宜建叅將府於德震各州縣許以便宜行事以鎮安人
心其新附之民中猶有異志者或遷之海北地方屯田
或編入附近衛所戎籍如漢徙涪山蠻故事又擇仁明
慈惠之長久任而安輯之則瓊人受萬世利矣疏下兵
部覆議詔悉允行

二十九年七月總兵官平江伯陳圭總督歐陽必進督兵
剿黎賊那燕等前後斬賊五千餘俘獲千餘招撫三千
餘事聞 上嘉其功命加圭祿與必進各廕一子

三十二年八月廣西桂林平樂猺獠據險肆亂殺知縣張
士毅傷百戶曹恩焚劫歲無虛月總督應檟檄總兵官
顧寰督兵進剿凡擒斬四百八十四俘獲男女三百四
十半馬器械甚衆守臣以捷聞並上僉事茅坤叅將王
寵朱昇都指揮鍾坤秀叅政張謙百戶吳通等功狀

上嘉諸臣勞績命檟廕一子餘陞賞有差

三十三年三月桂陽猓賊趙文通等初坐與居民舒廷昌

爭田繫藍山縣獄久之得釋文通遂聚眾糾連山賊千

餘作亂拒傷官軍巡按御史朱瑞登以聞因請治知縣

古時俊失出重囚及守備林桂等不能捍禦之罪詔時

俊等各停俸戴罪視事仍令撫臣亟圖撫剿毋緩

三十五年十一月廣東峒賊陳以明等聚至萬人號承天

霸王流劫陽江諸處官軍討之數敗督撫侍郎談愷等

檄諸路土目兵進剿破之斬其驍將偽飛虎將軍伍廷

章等乘勝攻賊各巢俱平事聞詔廕愷一子餘賞有差

三十六年十二月廣東總兵靖遠伯王瑾等討扶黎葵梅

山峒賊平之先是賊首馮天恩李汝端等負險據巢招

納亡叛流毒一方者數十年至是瑾等調兩廣漢達安

軍分哨進剿斬首七千八百餘級破巢二百餘處所俘

獲八百餘人地方以寧督撫侍郎王訪以聞詔廕瑾一

子錦衣百戶訪一子國子生各賞賚有差

四十四年六月提督兩廣侍郎吳桂芳言肇慶府德慶州

上下江一帶地方羅旁淥水介東西二山之間竹木叢

翳素為猓賊淵藪其羅旁兩山猓人先年韓雍經畧隄

防頗就安輯惟山東諸猓阻深箐而居時出剽掠有司

每歲發卒戍之徒費無益莫如聚兵召商隨山刊木設
立營堡將就近田地給與戍兵耕種以省給餉諸費耕
守既足控制斯嚴北岸營兵以次漸減兵部議從之
四十五年古田獐賊韋銀豹久據古田與諸獐分其地爲
上下里居之銀豹兩犯省城獨下六里人從之提督軍
務吳桂芳因以其間遣典史廖元入上四里諭降諸獐
於是銀豹勢孤亦請降桂芳卽以古田平聞因言古田
自弘正來縣令未嘗入城今典史廖元恢復已有次第
宜量陞主簿俟其功成卽擢爲令詔從之

隆慶 年廣西府江右江諸徭獐復亂巡撫郭應聘請給


兵餉剿除之給事中梁問孟以賊黨甚衆不可盡滅宜
令守臣熟計兵部覆言府江自正德十二年都御史陳
經征討之後且六十年而右江北三北五等巢素未懲
剗生齒日煩遂肆猖獗頃者大征古田各巢咸畏威歛
戢獨府江右江恃險爲亂剿之便但兵在萬全宜卽以
科臣所慮備行提督殷正茂及廣西撫按郭應聘等相
機行事 上是之

三年先是廣東潮揭普惠諸縣山賊倚險爲巢者以百數
賊首郭明據林樟巢胡一化據北山洋陳一義據馬湖
寨聲勢相倚屠戮劫擄蓋二十年是年九月總兵郭成

兵備僉事楊芷監軍副使江一麟等率官軍分部進剿明及一化一義並伏誅凡斬首及俘獲者千三百有奇諸巢悉平至是總督劉燾奏捷具言撫民林道乾等實用命宜許贖罪上既賞成等而命御史勘道乾功以聞又以廣中山寇尚多勅燾等亟為剿滅

五年九月磔古田獍賊韋銀豹并斬其孫扶獍於市仍傳首夷方銀豹古田獍民其父朝威自弘治間與其伯朝猛占據縣治拒殺副總兵馬俊叅議馬鎔正德間銀豹常隨朝威攻陷洛容縣朝威誅死銀豹乃挾其五子四出擄掠屢敗官軍與朝猛據鳳凰湖水二巢險固不可

援總督殷正茂與巡撫李遷謀調思明等處土兵及漢兵共十萬令總兵俞大猷統之直抵諸巢合營進剿凡斬首七千四百六十餘級俘獲男婦千三十餘人捷聞上嘉三臣功陞賞有差是時銀豹實未死祇以窮蹙陰令其黨覓肖已者斬首以獻主簿廖元把總王綱相與証之遂以捷聞其後稱傳不死狀正茂令僉事金柱踪跡之銀豹兄銀站乃生縛銀豹以降正茂械赴闕下且具疏引罪上以付吏論銀豹謀反律家屬黨類下撫臣論治命御史治元等罪遷等勿問



其黨資省田者總首以糧主戰與云時餘在縣臥與
土嘉左田如到賞其差云却懸深實未取酒以康復創
神首于千四百六十繪新料藝畏敵于三十餘人封開
其共十萬令縣共命大猶餘之宜其苗集合營藝陳以
其縣皆與五艾與縣無幸要藉時思用等與土共天武

按廣西五屯所居荔浦斷藤府江藤縣之中當斷藤峽
右臂及白石寨十二磯濛江口之衝為諸獠要道其間
山泉佳秀獸木豐麗田沙衍沃足以裕其居而遏其患
洪武間立所近增置城堡集種兵以守之

廣西獠獠蠻雜生蕃類然微各有別獠多姓槃氏初
靖江之興安義寧古田融州之融水懷遠有之猜忌輕
生烙躒善奔能忍饑獠初慶遠南丹之人呼為獠今桂
之荔浦脩仁永福且多而忻城荔波天河永順永定猶
厲其慶遠思恩分生熟二種以入編籍為熟獠無酋長
版籍惟推勇者為郎火餘自稱火蠻有撫水蠻出慶遠

首多蒙姓有西原蠻出廣容之南邕桂之西首多寧姓
有廣原蠻出邕州西南今羈縻州峒多古蠻地

瓊州居浮海中迥二千餘里中有黎母山絕峻五峯諸
蠻盤據號黎人最中者為生黎不與州人交其外為熟
黎雜耕州地原姓黎後多姓王及符熟黎之產今半為
湖廣福建奸民亡命又南恩藤梧高化征夫利其土占
居之各稱峒首成化來副使涂棊有犁庭之計漸就編
差弘治末符南蛇之亂連郡震驚其小醜侵突無時而

息

黎

享和榮

